

Ritim stori
long buai ban
long pes 2 na
NCDC toksave
long buai ban
long pes 8...



pepsi pipol



www.facebook.com/pepsipng



na painim aut
moa long ol
narapela
promosens
blong mipla
bihain taim.



Wok painim bai kamap long Namah: PM

■ PM kisim oda na stopim arest

■ Polis i no asua long kisim arest oda: Namah

Stanley Nondol i raitim

PRAIM Minista Peter O'Neill i givim tok orait long Polis Komisina Tom Kulunga long kamapim wanpela investigesen tim na mekim wok painimaut long rot Oposisen Lida, Belden wantaim sampela polis i kisim kot oda long arestim em, James Marape na Don Polye.

Praim Minista i tokaut long dispela bihain long Oposisen lida Belden Namah i kisim kot bens want long polis bai arestim Praim Minista Peter O'Neill, Minista bilong Fainens James Marape na Minista bilong Tresari Don Polye long komplem Mista Namah i putim long Polis long lus bilong K71 milien long Fainens Dipatmen.

Mista O'Neill i tokaut olsem Mista Namah wantaim sampela polisman i no bihainim stret rot bilong kisim kot oda.

Long wankain taim Mista O'Neill kwik taim i kisim wanpela kot oda long distrik kot long mejistret Lawrence Kangwia na stopim polis long mekim arest long em na tupela minista bilong em.

Mista O'Neill i tok Tas Fos Swip i mekim wok painim yet long lus bilong K71 milien long Fainens dipatmen i go long wanpela lo kampani.

Praim Minista i tokaut olsem wok painim bai kamap tu long Mista Namah long em i laik arestim Sif Jastis bilong kantri.

Mista O'Neill i tok wok painim bai kamap long painimaut sapos ol poli man i helpim Mista Namah long stretpela rot kisim kot oda long arestim em, Marape na Polye o nogat. **I go moa long pes 2**



OL buai sela i kisim ples pinis long nupela maket long Laloki long Sentral Provins, autsait long Mosbi. Ol i baim buai bag long holsel maket long bikpela mani tasol nogat planti kastoma na buai bilong ol i stap yet. Dispela em long Laloki maket, i gat wanpela haus tasol em i liklik na buai sela i pulap long hap. Ol i salim 8-pela buai long K2 na sampela salim 10-pela long K5. 8-pela daka ol salim long K1.

TOK SAVE: NCD Gavana Powes Parkop bai mekim bikpela toksave long buai ban long tude long Pot Mosbi.

Poto: Nick Bernard.



DIRECT FLIGHTS RABAUL TO CAIRNS!

Our twice weekly direct flights from Rabaul to Cairns are a fantastic option for travellers from the New Guinea Islands region who want the convenience of a non-stop flight to Cairns! Take advantage of these direct flights for a short break or for some early Christmas shopping!!

OUR SCHEDULE

MON PX032 RAB-CNS 08:20 11:20
PX031 CNS-RAB 11:50 14:50

FRI PX032 RAB-CNS 08:10 11:10
PX031 CNS-RAB 12:30 15:30

With connections to and from Kavieng and Haskins

Call Toll Free on **180 3444** or contact your nearest Air Niugini Travel Centre or Travel Agent for further details.



Air Niugini

www.airniugini.com.pg



Teksim Wari, Tingting, Painim Pren, Wantok o Pas bilong yu i kam nau.. Digicel namba: 7235 6149

Dia Wantok Nius, as tingting bilong rait i kam long yupela em i olsem, yumi olgeta manmeri pikinini na ol arapela brata sios insait long kantri, yumi ken holim han na wok bung wantaim olsem yumi wanpela famili bilong God na bilong dispela kantri. Taim yumi wok bung wantaim bai yumi lukim gutpela senis bilong famili em namba wan. Namba tu, em komyuniti, namba tri em i distrik na foa em provins na kantri wantaim. Yumi mas wok bung wantaim long kamapim gutpela sindaun insait long kantri na mekim PNG i kamap paradais long ol gutpela pasin yumi mekim long wanpela na narapela. *Tenk yu tru long Fr. Chris long lukautim mipela long Bilip, long ol Sakramen na Pastoral plen na gutpela tok-skul long ol manmeri, pikinini na ol yut.*

Mr. Cletius & Namta Parishioners, Goroka Diocese

Dia Wantok Niuspepa, mi Junior na kris-mas bilong mi em 32. Mi bilong Madang na mi painim wanpela meri Jayapura long mekim pren na maritim em. Em i ken ringim mi long dispela mobail namba 7048 1825.

Junior – Madang -06/01/2014

Dia Wantok Niuspepa, mi mangi hailans bilong Kerema. Yu yet na kam lukim, mi wanpela wokman na gat 23 krismas. Mi painim wanpela SDA Lotu meri long maritim. Husat gat laik yu ken ringim mi long dispela namba 7612 8872.

07/01/2014

Dia Edita, mi laik autim wari bilong mi long pablik olsem memba bilong Aitape – Lumi em i stap long wanem hap tru. Mipela pipel long Aitape bagarap tru long wanpela wara long ples Yakumul i brukim bris na mipela i painim hat tru long salim kakau, draiv i go long Wewak na kalap long balus na sip. Yu mas traim long wokim bris hariap o nogat yum mas wokim ples balus long Aitape na wof long Aitape hariap. Mipela pipel long Aitape – Lumi i nidim dispela sevis, yu mas wokim hariap.

Titus Kamninge – Aitape, Sandaun Provins – 06/01/2014

Buai tambu bringim birua

Buai tambu insait long Nesenel Kapital Distrik (NCD) i lukim planti manmeri husat i save salim buai long kisim mani i kisim taim long sapotim laip bilong ol. Ol manmeri tu husat i save kaikai buai, i kisim bikipela taim. Long dispela wik Mande, taim ol midia i bin raun i go antap long Laloki Maket, ol i kisim ripot long ol polis opisa olsem sampela manmeri husat i laik karim buai i go insait long Mosbi Siti i bin bungim sampela birua namel long rot. Polis ripot i tok ol dispela manmeri husat i bin laik karim buai i go long siti i bihainim ol bus rot, long wanem, ol i laik hait long ol polis.

Taim ol dispela manmeri i mekim olsem, ol i kamap long ol hap nogut, na ol man husat i save stap long ol dispela hap nogut i ranim ol, paitim ol na kisim mani bilong ol. Na tu i gat sampela tok i kam olsem ol i reipim sampela ol meri husat i wok long karim buai i kam insait long siti. Ol polis i tok em i no isi long lukluk go insait long dispela samting long wanem, ol komyuniti long hap i wok long haitim planti samting. Ol polis i tok ol lain husat i bin kisim birua tu i no kam aut ples kliia long wanem, ol i pilim sem long wanem samting i kamap long ol.

Wok painim bai kamap long Namah

I kam long pes 1

Tasol Oposisen lida Belden Namah i tok Praim Minista Peter O'Neill i bin raitim wanpela pas long Me 13 2013 na givim dareksen long Mista Polye na Mista Marape long baim bikipela milien kina long lo kampani.

Mista Namah i tok long daireksen leta bilong praim minista, Mista Polye na Mista Marape i go het na givim daireksen go daun long seketeri bilong Fainens na Tresari na K71 milien i bin kam aut.

Mista Namah i tok em i gat evidens na putim komplek long Pols Fraud Skwad long Anti Korapsen long mekim wok painim long dispela hevi. Em tok ol polis i no asua long kisim oda bilong mekim arest long Mista O'Neill, Marape na Polye.

Praim Minista O'Neill i tok em i no sainim dispela pas bilong daireksen we Mista Namah i putim komplek. Em i tok ol narapela korap lain i bin kopim signeta bilong em stap long nem bilong em antap long pas.

Em i tok Tas Fos Swip i mekim wok painim yet na sampela lain i bin arest pinis long dispela.

Mista Namah i tok sapos Praim Minista O'Neill i no raitim pas long Marape na Polye na givim tok orait long baim, Fainens dipatmen bai no inap baim K71m long Paraka loya. Em i tok em bai pait yet long dispela hevi bikipela pablik mani long milien kina i lus long pasin korapsen.

Mista Oneil i tok kain pasin bilong Mista Namah long go long



Oposisen Lida, Belden Namah.



Praim Minista Peter O'Neill.

rot i no stret na kisim kot oda na laik arestim ol biknem gavman minista na praim minista i givim nem nogut long PNG. Em i tok

dispela pasin bai bagarapim intres bilong ol investa i laik mekim bisnis long kantri.

Prais bilong buai go antap

Kolopu Waima i raitim

Prais bilong wan wan buai i go antap long Nesenel Kapital Distrik stat long taim Nesenel Kapital Distrik Komisen i stapim buai long siti.

Ol lain husat i save salim buai i hait na salem ol wan wan buai long K3 na K2 bihain long NCD Gavana i tokaut long disisen bilong NCDC Bod long noken salim buai.

Ol polis i mekim rot blok long

Laloki long rausim ol buai.

Man husat save salim buai na stap long Mosbi, Kenken Bari, i autim bel hevi bilong em long NCD Gavana Powes Pakop. Em i tok, i gutpela long stapim long klinim siti tasol em i no luksave long ol manmeri husat i save salim buai na stap long Mosbil.

Em i tok i no olgeta manmeri long siti i wok potnait. Sampela ol i save salim buai, aiseblok o kolwarana kisim mani long kaikai, salim pikinini go long skul na

mekim ol liklik bisnis. "Nau mi paul, bai mi kisim mani we na givim lans mani o baim yunifom bilong ol skul pikinini bilong mi, na bai mi kaikai wanem samting tu?" em i tok.

Mista Bari i tok, ol liklik buai ol i gat nau em ol i salim long K3 na K2. Ol i katim go hap na salim long K1.50 na K1.

Em i tok Gavana i makim wanpela ples ausait long siti long Sentral provins long salim na baim buai em tu i hat tumas.

Em i tok ol buai selai save karim bikipela mani tru long go painim buai. Tasol ol i save hait na go. Nau Gavana i mekim ples kliia olsem olgeta bai go long hap na baim. Dispela em i mekim ol raskol bai stapim ol long rot na kisim mani bilong ol.

"Em i no save tumas long bai mipela go antap long ples we em i stretim long salim na baim buai. Em bai provaidim sekuriti long go antap na kam bek long Mosbi o?" em i askim.

Ol buai sela kisim taim long nupela maket

Stanley Nondol i raitim

OL buai sela long NCD, husat i traim long go mekim maket bilong ol long Laloki long Sentral Provins i kisim taim bikos nogat planti kastoma na planti buai ol i baim long bikipela mani i stap yet. Ol i wari nau long mani bilong ol i lus.

NCDC i stopim olgeta buai maket long Mosbi siti na putim long Lakoki. Tasol ples bilong salim i no redi yet na ol buai maket lain i go katim bus na pulap long wanpela liklik haus gavman i mekim baksait tasol long Laloki bum get.

Ol sampela lain long Mosbi husat i go long salim buai i go long nupela maket long Laloki na baim buai long holsel maket i baim 10 kilogram bek long K400 na 20 Kilogram long K600.

Tasol nogat planti kastoma na ol i kisim

taim long dispela hap buaibek bikos ol bai nonap ol kam bek long Mosbi bikos polis i sekim long Laloki bris sek point na save kisim olgeta buai.

Ol i tok ol bai slip long hap o haitim hap buai long bus na kam bek long narapela de na salim o ol i paul.

Ol kastoma husat i go long Laloki i karim 2 kilogram buai tasol long ol bai kaikai long siti, ol i no inap long baim planti buai. Polis sek poin i tait na sekim olgeta kar i kam aut long Laloki.

Nupela buai maket long Laloki i no redi na ol buai sela i katim ol bus arere long ples gavman i makim na laik kamapim maket.

I gat wanpela haus tasol NCDC i mekim na stap tasol em i liklik na i no inap.

Planti ol Hailens i katim bus na laik mekim maket ples. Na planti bilong ol sela em bilong ol Hailens provins na liklik lain bilong

nambis i salim buai long hap

NCD gavana Powes Pakop i tok maski em i kisim pret toktok long ol bai kilim em o famili bilong em dai long stopim buai maket long Mosbi siti, em bai go het long stopim buai long siti maket.

Mista Pakop i tok em i no stopim buai olgeta. Em tok i gat tupela maket NCDC i wok long stretim stap long Laloki long Hiritano Haiwe na Roburogo long Magi Haiwe long Sentral provins.

Mista Pakop i tok Mosbi em siti bilong PNG na buai i bagarapim siti long planti yia. Em i tok NCDC i traim long klinim ples na tokim ol pipel long noken spet nabaut na lukautim ples tasol ol pipel i no bin harim tok.

Mista Pakop i tok NCDC bod i mekim disisen pinis long rausim olgeta buai maket long siti na em i no pret long toktok em kisim long kilim em o famili bilong em dai.



Laloki Maket autsait long Pot Mosbi, maket ples we Gavana i tok orait long salim buai. Poto: Nicky Bernard

PM laikim 2014 wok bai kamap gut

PRAIM Minista Peter O'Neill i tokaut olsem kamapim ol wok bilong baset na ki polisi long groim ikonomi bilong Papua Niugini i namba wan samting gavman i lukluk long mekim long 2014.

Mista O'Neill i tok wok bilong 2013 mani plen na ol program i gavman i mekim i gutpela long 2013 tasol ol mas mekim moa ol gutpela wok long 2014.

"Long mun Februeri 10 mi bai kamap siaman bilong Lidas Samit namel long olgeta minista na olgeta gavana we mipela bai lukluk long kamapim ol ki baset eria- olsem skul, helt, infrastraksa na lo na oda na wok bai kamap wantaim bikipela korperesen bilong olgeta gavman level". Mista O'Neill i tok.

Em i tok dispela ki bung tu bai lukluk long hevi bilong westim taim bilong wok divelopmen we pepa wok save kisim long pela taim long bikipela level. Na bai nogat giaman pepa wok bilong wok kontrak na stilim pablik mani.

Mista O'Neill i tok long dispela yia bikipela mani long Nesenel Gavman bai stret long distrik na lokal gavman. Em i tok ol dispela mani i mas mekim gut wok long givim sevis long ol pipel.

Praim Minista i tok ol mun i kam long 2014, ol bikipela projek bilong gavman bai long distrik na provins i mas karim kaikai. Em i singaut



PM Peter O'Neill...

long olgeta minista na gavana na dipatmen het long lukluk long dispela ol projek na mekim gut wok.

Mista O'Neill i tok wanpela bikipela lukluk bilong gavman long 2014 em long kamapim lo bilong pait agensim pasin korapsen – em long oraitim lo bilong ICAC bilong namba wan sindaun bilong Palamen long neks mun.

Mista O'Neill i tok em yet bai go pas long helpim ol liklik manmeri long SME bisnis long gro na sapotim ikonomi bilong kantri.

Mista O'Neill i tok SME i gat mani pinis long 2014 baset tasol em i toke m bai helpim ol sampela bikipela bisnis i stap pinis long kantri na long ovasis.

Mista O'Neill i tok gavman bilong em bai lukluk long katim daun ol kos bilong mekim bisnis insait long kantri. Em i tok planti senis bai kamap long rot bilong pepa wok long kisim mani helpim we ol save weit longpela taim long kisim tok orait.

Lapun man mekim pasin nogut long liklik gel

Wanpela papa, i gat 58 krismas i grisim wanpela liklik gel husat i gat 6 krismas long lolina kaikai na mekim pasin nogut yusim pinga bilong en.

Polis ripot i kam long opis bilong Deputi Komisina bilong Polis Operesen i tok long, Morata 2, Nesenel Kapital Distrik (NCD), dispela man bilong ples Koge, long Sinasinadistrik Simbu Provins, i mekim tok pilai na grisim dispela liklik gel wantaimloli na kaikai. Liklik gel ya i no save wanem samting bai kamap long en, i kisim ol dispela samting. Dispela man i kisim em i go arere long bus, yusim pinga bilong en ma mekim pasin nogut.

Polis i tok, ol papamama noken lusim ol pikinini gel stap ol yet. Ol i mas putim was long ol olgeta taim.

Polis i arestim em na em i nau stap long Borokowetim kot bilong en.

Long Morata yet, wanpela man abrusim bus naiptasol olgeta prantglas long kar bilong em i bruk, long Morata 1.

NiksonWaria, i tok, sampela man bilong Wabag, i digim graun klostu long haus bilong en long planim pawa pos.

Mista Waria i askim ol bilong wanem ol i mekim olsem long haus dua bilong emna wanpela man i pulim bus naip, makim em na putim long glas bilong kar bilong em.

Dispela samting i bin kamap long Desemba namba 22, las yia. Ripot i kam pinis long polis stesin nawok painimaut i go het.



Praim Minista Peter O'Neill i toktok long ol nius lain long hevi namel long em na Belden Namah long kot oda bilong arestim em, Polye na Marape. Fiseris Minista Mao Zeming na Fainans Minista Marape i sanap long soim sapot.
Foto; Nicky Benard

BACK TO SCHOOL?

- PROJECT FEES
- BOARDING FEES
- TRANSPORT
- AIR FARES
- STATIONARY
- TEXT BOOKS
- COMPUTER
- NEW UNIFORMS

Fast Loan Approval
Flexible Repayment Terms
Competitive Interest Rate

**TIME TO THINK ABOUT A
BSP PERSONAL LOAN**

Apply now at your nearest branch
320 1212 / 7030 1212 - 24/7
servicebsp@bsp.com.pg
www.bsp.com.pg

BSP
Official Sponsor of the 2015 Pacific Games

Sentral provins tok orait long K160 milen 2014 baset

Kolopu Waima i raitim

SENTRAL provinsal gavman i tok orait moa long K160 milien baset bilong 2014.

Gavana KilaHaoda i tokaut long namba tu baset bilong Provinsal Gavman long Desemba, las yia.

Gavana Haoda i tok dispela em i wanpela bikpela baset bilong dispela yia, we i lukim K160, 108, 870.

Em i tok Nesenel Gavman i givim K146, 997, 800 olsem gran long Sentral Provinsal Gavman bilong 2014. Long dispela mani, K79 797 800 em i Rikaren fansen gran na K61, 200, 000i bilong Divlopmen gran.

MistaHaodai tok rikaren funsen gran bilong 2014 i go antap long 6.6 pesen o K4, 925, 500 sapos yu skelim wantaim K74, 812, 200 long 2013. Developmen gran bai stap antap olsem yet long K67, 200, 000. Dispela em sevis impruvmen program gran Nesenel Gavman i givim.

Em i tok, edministresen funsen gran i go antap K 1, 664, 300, arapela sevis gran bai go antap K2, 950, 700, Helti kisim K5, 230, 100, Edukesen i kisim K4, 998, 300, Vilis Kot i stap olsem yet long K792, 500-we K369, 000 em alawens bilong Kot opisal na K423, 500 bilong vilis Kot operesen.

Infrastraksa i kisim K9, 518, 700, Praimeri prodaksen bai kisim K1, 696, 600 na Lokal Level Gavman (LLG) bai kisim K1, 956, 600.

MistaHaoda i tok sevis deliveri grans i kisim planti mani bilong 2014 baset we mani bai go olsem long givim sevis long ol pipel long ples aninit long Minimum Praioriti Ektiviti.

Em i tok, olgeta 13 LLG, wanwan LLG bai kisim K500, 000 we total mani bilong 2014 baset em K6, 500, 000. Provinsal Sapot Improvmen Program, i kisim K20, 000, 000 bai go het, na olgeta wanwan open Membra bai kisim K10, 000, 000 olsem developmen mani.

MistaHaodai tok 4 ilektoret na 13 LLGi mas yusim gut mani bikos ol mani i go stret long distrik.

Em i tok moa olsem ol pablik sevani mas wok strong na lukim wok bilong ol i karim kaikai.

Turis kampani painim ol lain husat save long tokples Rasia

WANPELA turis kampani i painim sampela lain husat save long tokples Rasia.

Ol i tok, sampela turis bilong Rasia bai kam long Papua Niugini long dispela yia we dispela kampani bai kisim ol raun na soim ol ples. Ol dispela Turis i no save long tok Inglis. Na em i laik kisim sampela man o meri bilong Papua Niugini o ausait long Papua Niugini husat save long tokples Rasia long raun wantaim ol insait long Kantri.

Husat man o meri save long tokples Rasia bai tanim tok, (Rasia long Inglis o Tok Pisin).

Kampani bai baim olgeta samting olsem balus tiket, kaikai na em bai givim alawens tu. Ol bai stap wantaim igo pinis bilong ol dispela turis i go bek long Rasia.

"Mipela i harim olsem tupela man; Bruce Gigmaina Joe Yomba i save long tokples Rasia. Na tupela i stap sampela hap long Mosbi. Sapos yu lukim dispela stori, ringim mipela long ol namba daunbilo. Sampela husat i save long tokples Rasia i ken ring longol dispela Mobail namba; **Digicel: 71631024 na BMobail: 76598063.**

nius NCD Gavana sapotim ol Wes Papua

Gavana bilong Nesenel Kapital Distrik (NCD), Powes Parkop, i tok olsem em i bai sapotim ol manmeri bilong Wes Papua long kamap fri, na em bai sapotim ol inap em i dai.

Bipo long Krismas long las yia, Gavana Parkop i bin kisim John Rumbiak Awod. Gavana i bin kisim dispela Awod long wanem, em i save sapotim ol Humen Raits wok long Wes Papua.

Gavana Parkop i tok bipo long em i kamap memba na Gavana bilong NCD, em i bin save sapotim ol Humen Raits wok bilong ol manmeri bilong PNG na Melanesia, tasol nau, em bai i lukluk moa long Wes Papua.

Taim Gavana Parkop i kisim



Gavana Parkop i kisim awod bilong Humen Raits, Jennifer Robinson wantaim Benny Wenda i sanap wantaim em.

dispela awod, em i tok olsem PNG i mas helpim Wes Papua

long wanem, ol manmeri bi-long Wes Papua em ol wantok

taim bihain tu.

Milen Be go pas long sanapim skul Laiberi

Milen Be provins i go pas long kamapim laiberi long foapela distrik bihain long Seketeri bilong Edukesen i tok ol skul stap aninit long Nesenel Edukesen Sistem i mas gat skul laiberi.

Sekula bilong Seketeri, namba 02/2009, i bin tok olgeta skul stap aninit long Nesenel Edukesen Sistem masi gat laberi bilong ol sumatin stat long 2010.

Tasol nogat wanpela i go pas long wokim skul laberi. Milne Be Division ov Edukesen ikirapim wok bihain long tupela yia.

Provins i gat plen long Provinsal Edukesen eketiviti bilong 2012-2015 bilong foapela skul laiberi bilong ol foapela distrik; Alotau; Esa'ala; Kiriwina-Goode-noughnaSamarai-Murua.

Sekula bilong Seketeri i tok olgeta skul kam aninit long Nesenel edukesen Sistem i mas gat laiberi.

Sekula i tok moa long olgeta laiberi i ken wok olsem wantaim Skul Laiberi Manifesto we Intenesenel Federesen ov Laiberi Asosiesen na Institusen (IFLA) na UNESCO long 1999.

Skul Laiberi Manifesto i



Ol sumatin bilong BunamaParimeri Skul long Milen Be stretim ol laiberi buk.

save mekim wok bilong skul laiberi long salim infomesen long skul em i isi long lainim olsem na PNG i tok orait long yusim insait long kantri na ausait tu.

Provinsal, Nesenel Edukesen na Univesel Besik Edukesen Plan tu i tok long developmen bilong kamapim skul laiberi.

Milen Be provins i holim laberi woksop long Bunama, Normanby Island na

Esa'ala. Dispela em tupela em namba 2 woksop ol i statim long 23-27 Septemba 2013. Milen Be provinsal gavman, Division bilong Edukesen na Nesenel Laiberi bilong Papua Niugini i go pas long en.

As bilong dispela woksop em bilong givim moa save long na trenim ol tisa, ol laberi tisa na ol wokman bilong laiberi long kisim besikskil long menesim ol skul laiberi

na ol sumatin i ken lainim long kisim moa save.

Ol tisa husat i kam stap long woksop em i sans bilong ol long kisim save na skil we dispela bai mekim ol i ken statim skul laiberi bilong ol sumatin i ken kisim save.

Laiberi edvaisa, Mary Warusna Eking Asister Laiberi edvaisa PaulaMetakao bilong Edvaisori Sevis Brans bilong Nesenel Laberi ov Papua Niugini i skulim ol.

NCD Komisina sapotim buai tambu

WANPELA komisina bilong Nesenel Kepital Distrik Komisen (NCDC) bod i tokaut olsem ol i sapotim tambu bilong salim buai, NCD Gavana i bin kamapim.

Komisina, Clemence Kanau i sapotim Gavana, Powes Parkop na NCDC Bot long stopim buai insait long Nesenel Kepital Distrik. Mista Kanau i tok, lo bilong tambu long salim buai em i no laik na tingting bilong Mista Parkop tasol, nogat.

"Dispela tingting em ol NCDC bod i wanbel na Gavana i bin mekim. Olsem na ol lain i tok dispela em i tingting bilong gavana tasol, em i longlong toktok long winim skoa tasol," em i tok.

Em i tok moa olsem bot bilong NCDC bai i no inap long senisim tingting long dispela, maski ol i

kotim ol o tok bilas long ol. Em i tok strong long ol lain husat i stap long siti long painim sampela narapela rot long kisim mani.

"Komisen i no tambu long ol pipel i go ausait long siti na kam bek. "Em i rait bilong wanwan sitisen long wokabaut fri i go i kam long kantri. Tasol taim yu kamap long wanpela provins, yu bai stap aninit long ol lo bilong dispela provins bikos yu stap olsem waira tasol. Wankain tasol, taim yu stap insait long NCD, em i wok bilong yu long rispekim ol lo na toksave bilong NCD na gavman bilong em, olsem na yu mas stap gutpela sitisen na bihainim lo bilong gavman.

Mista Kanau i givim salens long ol pipel bilong Galp na Kairuku husat i save kisim mani long buai,

long ol i mas painim ol tok bekim bilong ol long ol lokal memba bilong ol.

"Em i wok bilong ol lida long kamapim ol rot bilong helpim ol pipel bilong ol, na ol i no ken givim wok na hevi i go bek long NCD gavman.

Ol pipel bilong Kairuku na Galp i makim yu long kamap lida bilong ol long yu mas kamapim ol kes ikonomi wok bilong ol. Yupela go long ol na tok strong long wanem samting ol i mas mekim long kamapim gut sindaun bilong yupela," Mista Kanau i tok.

"Yupela no ken putim bilip long buai tasol na larim ol lida bilong yupela i raun long laik bilong ol yet na amamas long gutpela laip bilong ol yet na i no tingting long bringim ol

samting na sevis i kam long yupela," em i tok.

Em i tok moa olsem, tambu long buai em i wanpela bilong ol tingting bilong kain development program ol bod i laikim bai kamap long Pot Mosbi siti. NCDC bod i laikim Pot Mosbi bai kamap wanpela naispela, nambawan kapital siti bilong Papua Niugini. Ol sitisen bilong siti i mas amamas long senis i kamap.

"Tasol sapos yu no inap long stap wantaim dispela kain senis, orait yu ken go bek long ples bilong yu we i no gat ol lo olsem bilong NCD," em i tok.

Komisina Kanau i tok strong long olgeta lain insait long siti long luksave long ol taim bilong ol bikpela samting i kamap olsem: 2013 em tambu long buai i kamap long NCD;

2014 NCD bai rausim plastik long siti; 2013 i go 2015, developmen bilong ol bikpela rot infrastraksa insait long Kepital Siti; 2013-2015 em developmen bilong bikpela infratraksa long siti redi long 2015 gems na 2018 APEC Lida Miting.

Ol dispela bikpela samting i kamap wantaim ol narapela polisi bilong developim siti.

Mista Kanau i tok, em yet bai stap insait long ol developmen bilong siti na em bai sapotim gavana na siaman bilong NCDC bod long wok bilong em long traim stretim siti.

Em i tok moa long ol lain i wok long tok bilas na daunim Gavana long bihainim ol senis i wok long kamap na givim samting long developim siti.

Morobe Gavana Givim Land Cruiser Long Kabwum Haiskul

Paulus Tali i raitim

Krismas em taim bilong amamas na tingim de Jisas i kamap. Ol Kristen i save tingim dispela de olsem spesal taim bilong tingim Bikpela Jisas Krai na tingim ol arapela manmeri tu.

Kabwum Hai Skul i bin lukim dispela pasin long krismas 2013. Long Dispela taim, Gavana bilong Morobe, Kelly Naru, i bin givim wanpela Toyota Land Cruiser long mani mak bilong K135,000.00 olsem krismas presen long skul..

Dispela em i bihainim wanpela promis Gavana Naru i bin mekim taim em i bin mekim wapela visit long Kabwum wantaim memba bilong Kabwum, Bob Dadae, na memba bilong Tari Pore , James-Marape long Kabwum Hai Skul.

Mista Naru i tok, “pastaim mi bin kam na mi promisim yupela olsem na mi mas inapim dispela promis wantaim dispela kar bilong KabwumHai Skul,”Mista Naru i tok.

Dispela i kamap bi-

hainim wanpela spesel-wokabaut long las Disemba. Long nem bilong Kabwum High Skul, Het-Masta Leimbe Aina i amamas long tok promis bilong gavana i karim kaikai. “Mi makim bod bilong Kabwum Haiskul na tok tenkyu i go long gavana bilong Morobe Mista Naru,” Mista Aina i tok.

Mista Aina i tok, planti taim ol skul sumatin i save hatwok long painim paia long bus na mekim arapela bisnis i go i kam long Wasu na nau bai em isi long helpim bilong dispela Land Kruiser. “Mipela i tok sepeseltenkyu i go long gavman bilong mipela,” Mista Aina i tok.

Mipela i lukim olsem lida bilong gavman olsem i no ken toktok tasol na givim sevis long maus tasol. Lida i mas mekim eksen olsem gavana bilong mipela Kelly Naru i mekim long givim ol sevis ol manmeri i sot tru insait long komuniti wanpela bilong ol em Kabwum Hai Skul. Long wanem, dispela i helpim mipela olgeta lain insait long komuniti.

Gavana bilong Morobe, Kelly Naru, i bin givim wanpela Toyota Land Cruiser long mani mak bilong K135,000.00 olsem krismas presen long skul..Poto i soim em givim ki het masta bilong Kabwum Hai skul, Mista Aina.

Poto: Paulus Tali



Naru singaut long O'Neill long stretim hevi bilong Wau-Bulolo DSIP

GAVANA bilong Morobe, Kelly Naru i singaut long Praim Minista Peter O'Neill i mas kam insait na stretim toktok bilong DSIP namel long Bulolo MP Sam Basil na Fainens Minista, James Marape.

Gavana Naru i sanap bak-sait long lokal memba bilong em, na i tok DSIP mani em i bilong ol pipel bilong Bulolo olsem na tupela memba i no ken stopim wantaim hevi bilong tupela.

“Mani em i bilong ol pipel bilong Bulolo, i no bilong Sam Basil o James Marape,” Mista Naru i tok.

“Sam Basil em i mekim wanem samting i gutpela bilong ol pipel, olsem na Minista Marape i mas givim ol dispela mani i kam,” em i tok.

“Mi singaut nau long Praim Minista i mas kam insait na stretim dispela hevi, na givim oda long Marape i mas givim ol sek mani bi-

long ol pipel bilong Bulolo.

“Pasin Minista i mekim em i olsem liklik pikinini.

Bilong wanem na em i holim bek mani bilong ol pipel bilong mi bikos long bel hevi bilong em wantaim Sam Basil,” Gavana Naru i tok.

Mista Naru i tok PEC bilong em i bin tokaut olsem Bulolo na Wau taun em i ples bilong pait, taim tupela lain papa graun i kirapim ol pait na i no pinis hariap. Ol i

salim ol polis skwat long putim wanpela kefiu.

Mista Naru i tok olsem ol DSIP mani em bilong helpim distrik edministresen tu long stretim dispela stet of ime-jensi.

“Mi sapotim Sam Basil na mi singaut gen long Praim Minista long givim tok oda long Minsta bilong Fainens long em i no ken pilai politik na givim hevi long ol pipel bilong mi,” Mista Kelly Naru i tok.

Gutpela Krismas na Nu Yia long Is Nu Briten

Michael Novingu i raitim

I no gat hevi na trabel i bin kamap long bagarapim sindaun bilong ol manmeri long Is Nu Briten long taim bilong Krismas na Nu Yia.

Bosman bilong polis long Is Nu Briten, Suprintenden Anthony Wagambie junia i tok i no gat bikpela hevi na trabel i kamap insait long provins.

Mista Wagambie i tok tenkyu long ol pipel bilong provins long harim tok na bihainim lo na oda olsem na no gat hevi i kamap na ol i amamasim Krismas na Nu Yia long gutpela pasin long ol haus lain na wantaim famili bilong ol.

Em i tok long taim bilong Krismas wanpela man i bin reipim wanpela pikinini yangpela meri na narapela man i bagarapim wanpela pikinini meri krismas bilong em aninit long 15. Dispela tupela man i stap long han bilong polis nau long wok painimaut long dispela ol trabel.

Mista Wagambie i tok wanpela man bilong ples Wairiki long Toma Vunadidir LLG i bin dring wara na i dai. Em i tok man ya i laik traim long brukim wara Warangoi tasol strongpela tait i karim em i go na em i no inap swim na em i dring wara na dai.

Mista Wagambie i tok Is Nu Briten em i model provins. Em i singaut i go long ol manmeri long bihainim stret-pela pasin long amamasim nupela yia insait long ol haus lain bilong ol. Em i tok no ken bagarapim ol samting bilong pablik long taim bilong amamas.

Emi tok olsem yu husat manmeri i sakim tok na brukim lo polis ino inap givim em sans, nogat polis bai givim em bikpela mekim save.

Wagambie i tok olsem krismas na Niu yia operesen bai go het yet inap long Jenueri. Em i Singaut i go long ol pmv, na ol praivet kar long noken drink na draiv, pul-lapim wantaim ol pasindia dispela i ken kamapim birua.

Long wankain taim ol polis na woklain long trefik rejistri opis long Kokopo i wokim rot blok long sekim ol kar.

Bosmeri bilong trefik rejistri opis long Kokopo Relvie Tivala i tok dispela operesen long sekim ol kar em ENB provinsel edministresen yet i sapotim. Moa yet em i tok olosem sefti bilong ol pasindia i bikpla samting.

Relvie i tok olsem ol pmv driva noken kaikai buai, smok, werim klin klos long karim ol pasindia.

Nicky Bernard i raitim

FONE Haus long Papua Niugini i bin kamapim wanpela Krismas promosen long winim Balus tiket long go long Bali long Indonesia na Cairns Australia na sampela moa ol narapela prais.

Dispela promosen bin ron long stat bilong Novemba na pinis long Disemba 27 long 2013. Olgeta Fone Haus insait long PNG bin ronim dispela promosen.

Tupela man long Mosbi i winim tupela bikpela prais na narapela em wanpela man long namba 2 tu siti long Morobe i winim wanpela.

Mangi Morobe Niswe David Peter bilong Nadzab i winim namba 3 prais, em bai kisim wanpela Hi pad. Namba 2 prais ol pulim i go Ms Romata Geno bilong Mosbi, em i winim trip long go long Cairns Australia. Na namba wan prais ol pulim i go long Jeff Nario Tole bilong Mosbi, em winim trip long go long Bali Indonesia.

Dispela promosen em Air Niugini na Fone Haus i kamapim long amamasim ol kastoma husat i kam bai ol samting long Fone Haus we abrusim mani mak long K200 na i go antap.



Maketing Menesa bilong Air Niugini Nori Maniana i putim han go long pikim laki wina bilong namba wan prais. Dispela prais em long trip i go long Bali Indonesia. Poto Nicky Bernard

Mak bilong ol skul projek fi

Kolopu Waima i raitim

NOGAT wanpela skul insait long kantri bai sasim ol papamama long baim moa long K200 projek fi.

Nesenel Edukesen Bod (NEB) i tok orait pinislong mani mak bilong ol projek fi. Seketeri bilong edukesen Dr Michael Tapo i mekim dispela toktok long wanpela notis em i bin putim aut long Mande.

Dokta Tapo i tok NEB i luksave olsem ol skul i mas i gat ol gutpela klasrum na ol narapela samt-

ing long skul. Em i tok NEB i wanbel olsem olgeta skul, wantaim tok orait bilong provinsal edukesen bod i ken sasim ol projek fi i go inap long mak long K200. Nogat wanpela skul i gat rait long sasim moa long K200.

Dr Tapo i tok long miting namba 182 long Alotau, NEB tingting long apim Nesenel Gavman fri edukesen mani long 10 pesen, we em imekim ol papamama i no ken painim moa hevi long skul fi. Na ol i mas i gat inap mani long givim ol

pikinini long baim ol samting we ol pikinini bai yusim long skul.

Em i tok tu olsem NEB i luksave long ol pikinini i go skul long ol Apruved pemited skul naSpesel Edukesen Risos Senta. Ol pikinini go skul long Apruved pemited skul bai kisim K100 na olgeta disebel pikinini bai kisim K200.

Tebolaninit i soim hamasmani wanwan pikinini bai kisim taim gavman i givim aut Fri Edukesen mani stat long dispela yia.

Skul level	NEB fri limit-2013	Plus 10 pesen go antap	Total gavman kontribusen long 2014	Fes paymen	Sekenpaymen	Kontribusen we ol papamama bai mekim
Elem-E2	100	10	110	60	50	0
	270	27	297	149	148	0
	900	90	990	485	496	0
	1500	150	1650	825	825	0
	900	90	990	495	495	0
	1300	130	1430	715	715	0
	990	99	1089	545	544	0
	1500	150	1650	750	750	0
	100	10	110	60	50	0
	30		100	50	50	Papamama bai baim ol narapela outstanding mani
	30		200	100	100	Papamama bai baim ol narapela outstanding mani

EHP kisim ALESCO sistem

Dipatmen bilong Edukesen i opim Ale-scoPeroll Sistem long Goroka, las Desemba, 2013.

Papua Niugini Tising Sevis Komisenna Dipatmen bilong Edukesen i bung wantaim na opim long GorokaSek-enderi skul, bihainlong ol i sainim memorandum ov Agrimen (MOA) long givim pawa na wok.

Isten Hailans i kamap namba 14 long kisim dispela sistem.

Eking Provinsal I Ed-ministretabilong EHP, Bill Kavanamur, i tok tenkyu long Dipatmen bilong Edukesen na

Tising Sevis Komisen long mekim isi long ol tisa long provins long stretim ol wari bilong ol long provins yet na maski spendim mani go long Mosbi.

Siaman bilong TSCBaran tokim ol tisa olsem dispela i mekim we long stretim olgeta pe wari long provins bilong ol yet.

"Dispela sistem tu bai kontrolim pe bilong ol tisa long provins we ol tisa go aut long laik bilong ol yet we i no kisim tok orait, ol bai no inap kisim fulpe o i gat rait long stopim pe,"Mista Sori tok.

"Givim pawa na wok

go long narapela em i impotan long wanem TSC i bilip olsem, bi-long tisa long givim kwaliti edukesen, i mas lukautim gut ol tisa. Sapos ol i lukautim ol tisa gut, ol bai komitim ol yet long wok na skulim ol pikinini gut,"Mista Sori tok.

Mista Sori i singaut long ol tisa long provins i mas tok stret na ples klia long taim bilong givim ol kleim bilong ol long entaitolmen na alawens ol provinsal edukesen opisa mas sekim gut ol kleim bilong ol tisa bipo long baim ol. Dispela bai

lukim no gat ol giaman kleim bai stap na kaikai bilong en bai lukim gavman bai i sevim mani.

AlescoSistem em i perol human risos sistem we ol gavman dipatmen save yusim long olgeta pesenol-rekot wantaim ol pe bilong ol.

Ol narapela provins i kisim pinis Alesco sistem emSandaun, AtonamasRijion ov Bogenvil, Manus, Wes Nu Briten, Morobe, Simbu, Milen Be, Is Sepik, Is Nu Briten naNu Ailan.

Oro, Madang naWesten Hailans provins i no kisim yet.



Mista Bill Kavanamur (han kais) ii sainim MoU na TSC Saiman Mista BaranSori i lukluk stap long Goroka.

Sekim ol polis na Difens tu

Nesenel Kapital Distrik (NCD) Metropolitan Supritenden (Met-Sup) Andy Bawa i givim tok orait long sekim olgeta Difens na Polis long wanpela rot blok ol i setim long Laloki long sekim Buai.

Mista Bawa i mekim dispela toktok taim em i harim olsem isampela Defens na polis i stap ausait long Sentral provins, kam insait long siti long Hiritano Haiwe i karim sampela buaikam insait long siti.

Em i tokim ol polis husat stap long sekpoin long sekim ol buai long Laloki long sekim ol Difens na Polis. "Ol Polis na Difens em ol namba wan lain long lusim buai.



Metropolitan Supritenden (Met-Sup) Andy Bawa.

Ol i mas soim eksampel long ol narapela long bihainim pasin bilong ol. Ol i enfosim lo na bihain gen ol i mekim olsem i no gutpela," Mista Bawa i tok.

Mista Bawa i tok ol Polis na Difens em ol wankain olsem ol

narapela sitisen bilong dispela kantri, na ol polis stap long sekpoin mas sekim ol tu.

Na sapos ol i kisim sampela buai kam, ol bai kisim mekim save bilong lo.

"Ol Difens na Polis, ol i kam wantaim yunifom o nating, kam long polis kar o Difens kar o ol i no kam long Polis kar o Difens kar.

Ol polis stap long sekpoini gat rait long sekim olgeta manmeri, na kar tu," Mista Bawa i tok.

Mista Bawa i salim dispela strongpela tok lukaut bihain long Nesenel Kapital Distrik Gavana Powes Parkop i tok nogat long salim buai long siti.

Polis i no wok gut long Wewak

WOK painim bilong ol polis long Wewak repim wanpela merii soim ol polis i no mekim ol wok bilong ol gut.

Eking Polis Komisina na Sif ov Polis Operesen, Simon Kauba, i tok wok painimaut bilong Wewak Polis i mekim pasin nogut long wanpela meri i soim ol polis i no wok gut na inohepim stret wok bilong ol.

Man i go pas long Polis

Kraim Dairektoret, Ditektiv Sif Suprintenden, Donald Yomasombi, na tim bilong em na Momase Divisional Komanda Nemai givim ol wok painimaut ol i mekim.

Pepa ol i givim long Mista Kauba, i soim planti polis man i mekim pasin nogut long dispela meri, husat gat 18 krismas.

Dispela ripot tu i tok ol polis i bagarapim tripela haus na

sutim wanpela man nes.

Mista Kauba i tok ol polis husat ii stap insait long dispela tripela krime bai suspend na bai mekim save.

Olgeta dispela tripela Krimal ekt ol polis i mekim long Kawanumbo vilis long ples Boiken, Wewak, Is Sepik Provins long December 7, las yia.

Mista Maru givim distrik

edukesen Sevei ripot

Yangoru-Saussia Distrik long Is Sepik provins i joinim narapela 57 distrik long kantri long givim Distrik Edukesen sevei Ripot.

Memba bilong Yangoru-Saussia na Minista bilong Tred Komes na Indastri,Richard Maru,i bin givim dispela Ripot long Tasfos Siaman Paru Aihi long Desemba 2013.

Nesenwaid Skul Sevei Tasfos i bin givim K100, 000 long wanwan distrik insait long kantri long mekim sevei long skul insait long distrik bilong ol. Astingting bilong dispela sevei em long painim aut amamas skul i stap long wanwan distrik insait long kantri, painimaut namba bilong ol tisa long dispela skul na hamas skul pikinini i go skul.

Siaman bilong Tasfos timParu Aihi i tok as bilong kamapim dispela Tasfos em long stretim gut sistem bilong edukesen.

"Mipela bai no inap menesim sistem bilong edukesen gut sapos i no gat ol rait infomesen i stap," Mista Aihi i tok.

Em i tok skul fi polisi i sanap antap long ol namba bilong ol pikinini husat i go skul insait long Nesenel Edukesen sistem, olsem na gavmani mas save gut namba bilong ol sumatin go skul insait long kantri.

"Sapos mipela i gat rong infomesen,

planti mani bai lus nating long ol sampela skul we i no save stap, ol tisa bai no inap wok, na nogat ol wok samting bilong ol tisa," Mista Aihi i tok.

Minista Maru i tok i gutpelagivim mekim save long ol man husat i bin stilim mani i putim go long skul bilong ol pikinini.

Em i tok dispela sevei i mas salim tok lukaut ol Bod bilong skul long menesim gut akaun na mani ol i yusim long baim ol samting long skul.

"Sampela skul long distrik bilong mi, ol i putim manii go insait long praivet akaun bilong ol na i no long skul akaun. Olsem na em i moa gutpela long mipela nau lukluk long sampela gutpela we long salim mani go stret long ol skul," Mista Maru i tok.

"Tim bilong mi i redi long givim fomol komplem long polis o mekim sampela ekesen we distrik level i ken mekim long karim Jastis long husat i kamap ris long ekspens bilong Nesenel Gavaman na ol skul," Mista Maru i tok.

Wankain taim, Mista Aihi tok long olgeta ripot ol distrik i givim, sapos ol i painimaut olsem sampela paul pasin i kamap long stilim mani bilong gavman, ol bai sanap long kot.

Mista Frank Jamanei i lidim Yangoru-Saussia tim, i kisim ripot long 64 elementeri skul, 45 praimer skul, 2 haiskul, 1 sekenderi na 4 praivet skul insait long wanpela mun.

Toktok long Fes Buk i sevim laip

Frieda Kana i raitim

FES Buk em i wanpela intanet program we planti lain i save yusim long mekim kain kain wok, sampela gutpela na sampela i no gutpela tumas.

Tasol dispela fesbuk em i kamap wanpela rot bilong sevim laip bilong mama na pikinini i stap insait tru long bus bilong PNG na longwe long gutpela haus sik na dokta.

Wanpela nes na tisa bilong Obstetriks long Skul bilong ol Nes long Divine Word Yunivesiti long Madang, Sista Koe Tarabi em i gat gutpela stori long dispela. Sista Tarabi em i bin go insait long Fes Buk long toktok wantaim ol sumatin bilong em na sekim skul wok bilong ol na helpim ol.

Wanpela taim long las yia wanpela trening Komyuniti Helt Woka nes i stap long wanpela helt klinik bilong Karamui-Nomane na em i bin painim hevi long wanpela mama i laik karim pikinini. Dispela mama i winim taim bilong pilim pen bilong karim na bebi i no kam yet. Olsem na dispela trening nes CHW i ringim tisa bilong em husat em i tisa bilong sik bilong ol pikinini long Luteran Skul bilong ol Nes long Madang. Dispela nes tisa bilong sik bilong ol pikinini i askim Sista Tarabi long wanem samting em i gutpela long mekim.

Sista Tarabi i tok bai ol i kisim

helpim long Mingendi Haus Sik o Kerowagi Haus sik. Em i bin traim long ringim Mingendi Haus sik na ol i tokim em long givim sintosin, wanpela marasin long helpim dispela mama long karim. Tasol Sista Tarabi i tok nogat, dispela trening helt woka i no inap long mekim dispela. Em ol dokta long Kerowagi Haus sik tasol i mas helpim, tasol taim ol i ring, telepon bilong ol i no wok. Long dispela taim, Sista Tarabi i go insait long Fes Buk na i postim olsem wanpela training CHW nes i stap long bus tru na i nidim helpim nau tasol long sevim wanpela mama na pikinini.

Wanpela narapela tisa bilong Luteran Skul bilong ol Nes husat i wok long skul moa long Australia i lukim dispela toksave long Fes Buk wantaim fon namba bilong dispela CHW long Karamui-Nomane. Em i ringim dispela CHW na i toktok long em long stretpela we bilong helpim dispela mama. Tupela i mekim i go na mama i karim pikinini na tupela mama na bebi i orait. Nau dispela helt woka long Australia i go bek long Fes Buk na tok tenkyu long toksave bilong ol tisa bilong Luteran Skul bilong Nes bikos em i sevim tupela laip pinis!

Bihain narapela sumatin nes gen i stap long Braun Helt Senta long Finschafen na em i kisim wanpela mama i gat narapela hevi gen long karim pikinini. Tupela taim pinis dispela mama



Sista Koe Tarabai, tisa bilong Obstetriks long Luteran Skul bilong ol Nes, Divine Word Yunivesiti long Madang.

em i kisim naip long rausim bebi long bel, na nau dispela bebi tu i no slip gut long bai mama i karim gut.

I no bin gat dokta long dispela taim na dispela trening nes i tanim bebi long bel bilong mama long daunbilo long as bilong bel.

Em i go long Fes Buk na i tok-save long tisa bilong em, Sista Tarabi long Madang long wok em i mekim i orait o nogat. Long dispela Sista Tarabi i tokim em olsem, em i gutpela long mari-mari bilong God na dispela wok

i kamap orait na bebi na mama i stap gut. Tasol em i givim tok lukaut long em olsem narapela taim em i no ken mekim bikos, sampela taim nogut bai rop bilong bebi bai pasim nek bilong bebi. Kain wok bilong tanim bebi em dokta tasol bai mekim.

Olsem na Fes Buk i kamap wanpela rot we Sista Tarabi i lukim olsem i helpim em wantaim ol sumatin bilong em long sevim laip bilong ol mama na pikinini long ol rurel ples long PNG.



Yut, Meri na Famili

Pastor Barbara Lunge

God i toktok taim klaut i pairap

Yu save tu long klaut i lait na pairap em i wanem samting? Yu save lukim klaut i pairap na i kilim ol? Yu save long wanem kain rot God i save bekim ol beten bilong yu?

God i Bikpela na i gat strongpela na i save laikim olgeta samting em i bin wokim. Em i God bilong wokim stretpela pasin na i save kotim ol husat i no mekim gutpela pasin na ol lain nogut husat i no save bihainim gutpela pasin olsem lo bilong baibel i tok. Insait long dispela toktok mi laikim bai yumi painimaut sampela toktok bilong klaut i pairap na bilong wanem na ol i save kamap bai yumi lukim long dispela babiel ves.

"Narapela angelo i kam sanap arere long alta i gat gol bilong holim paura bilong kamapim smok i gat gutpela smel. Na ol i givim em planti bilong dispela kain paura, bilong em i ken bungim wantaim ol prea bilong olgeta manmeri bilong God, na mekim ofa long God long dispela alta gol i stap long pes bilong sia king bilong God. Na dispela smok i gat gutplea smel wantiam ol prea bilong ol manmeri bilong God, ol i lusim han bilong dispela ensel i sanap i stap long pes bilong God, na ol i go antap. Orait ensel i kisim paia long alta na em i pulimapim long dispela plet bilong smok i gat gutpela smel na em i tromoi paia i go daun long graun. Em i tromoi pinis, orait ol klaut i pairap na bikpela nois i kamap, na lait bilong klaut i sut i go nabaut na graun i guria. (Kamapim Tok Hait 8:3-5)

"Singaut bilong Bikpela i mekim klaut i lait. Nek bilong en i mekim ples drai i guria. Em i mekim ples drai bilong Kedes i guria moa yet. (Buk Song 29: 7,8.)

"Yupela harim pairap bilong ol klaut. Em God tasol i bikmaus na i singaut strong. Em i mekim lait bilong klaut i sut i go long olgeta hap bilong skai inap long arere tru bilong graun. Na bihain, yumi harim em i singaut bikmaus tru, na yumi pilim bikpela strong bilong em. Na long taim God i mekim olsem, lait bilong klaut i save sut i go nabaut. Maus bilong God i pairap narakain tru na i gutpela moa. Na em i save mekim ol kain samting, i winim tingting bilong yumi." (Jop 37: 3-5,)

Sapos yu laik toktok moa o yu nidim prea, yu ken rait long: Evangelis Barbara Lunge, ROGIM, P.O. Box 3063. Boroko. NCD. PNG, o ring long bm 67331426 OR 71075829 dg

30 meri i kisim setifiket bilong Wimen Lidasip na Menesmen Woksop long Panguna.

Ol meri lida bilong Panguna i kisim trening

AUSTRALIA i mekim wok wantaim Atonomas Bogenvil Gavman long kamapim moa wok bilong ol meri, wok bilong gavanens na bilong bringim bel isi insait long Panguna Distrik.

Ol meri i save karim pikinini na lukautim wok bilong haus, tasol sampela taim ol meri long Panguna i save karim narapela ol bikpela wok bilong toktok bilong graun tu bikos long hap bilong ol em ol meri i mama long graun. Dispela i save lukim ol i karim bikpela hevi moa long laip bilong ol.

Gavman bilong Australia i luksave long dispela, olsem

na ol i kamapim Panguna Pis Biding Strateji wantaim Atonomas Bogenvil Gavman long helpim ol meri. Ol i mekim dispela wantaim trening na nupela save long lidasip. Dispela wok bai kamapim ol meri lida na ol lain bilong bringim bel isi namel long ol lain husat i bin pait na holim bel hevi i stap.

Long mun Novemba 2013, ol 30 meri i kisim trening long besik lidasip na menesmen inap long 5-pela de. Long wankain taim tu 180 pipel i kisim skul bilong pis midiesen, hap namba bilong dispela em ol meri tu. Hap namba em ol meri tasol. Ol i

kisim trening long kamap olsem pis midieta long ol 4-pela eria bilong Kaunsil bilong ol Elda bilong Panguna Distrik. ABG na Panguna Pis Opis i mekim ol dispela trening.

Ol kain wok em i bikpela samting long helpim rijon bai kamap strong bikos em i nidim bel isi na banis long birua long kamap strong moa. I gat nid bilong bungim ol komyuniti nau i stap longwe wantaim bel hevi na bringim gutpela sindaun namel long ol. Em i namba wan wok bilong Panguna Pis Biding Strateji long lukluk i go pas long bringim wanbel

pasin long Panguna na ol ples arere. Atonomas Bogenvil Gavman i bin kamapim dispela program long 2011 long helpim ol komyuniti long statim gen nupela laip wantaim strongpela bilip namel long ol lain i stap bruk long taim bilong hevi.

Panguna Pis Biding Strateji i kisim helpim long Gavman bilong Papua Niugini na Australia, aninit long Strongim Pipol Strongim Nesen. Ol i putim K1.28 milien antap long K1 million mani Atonomas Bogenvil Gavman i putim bilong wok bilong pis biding.

Long taim ol meri i pinisim

Wimen Lida trening, Panguna Distrik Eksektiv Menesa, Otto Noruka i tok Bogenvil i nidim ol gutpela lida husat i luksave na i putim nid bilong ol komyuniti i go pas long nid bilong ol yet.

Lida bilong Me'ekamui, Moses Pipiro i tok dispela trening em i inapim tru nid bilong Panguna, bilong wanem meri na pikinini i bin lukim bikpela hevi na bagarap long taim bilong pait.

"Long dispela as tasol mipela i laik strongim ol meri long kisim ol bikpela wok bilong menesim na lukautim ol mani bilong mekim ol wok projek long bihain, long

helpim ol asosiesen, komyuniti na famili bilong ol.

Ol meri i bin mekim bikpela wok tru long bringim bel isi insait long Panguna na mipela insait long Me'ekamui, i gat bikpela rispek long ol, olsem na mipela i kamaut long toktok long pis wantaim ABG na Gavman bilong Papua Niugini," Mista Pipiro i tok.

Deputi Dairekta bilong SPSN, Dokta Naihuwo Ahai i hop olsem dispela trening bai kirapim bel bilong ol lain i kisim trening long kirap sanap na kamap ol gutpela lida we ol man tasol i save go pas long lidasip insait long ples olsem Panguna na Bogenvil.

Minista Pruaitch helpim Katolik Bisop Konprens

MINISTA bilong Forestri, Patrick Pruaitch i givim K100,000 i go long Katolik Bisops Konprens (CBC) long Nu Yia De long inapim tok promis bilong em. Mista Pruaitch i givim K100,000 sek i go long Fr. Victor Roche, Jeneral Seketeri bilong CBC. Mista James Wanjik, Seketeri bilong Forestri tu i bin stap

long lukim dispela na sampelaren tu.

Dispela mani mak em Minista Pruaitch i bin tok promis long givim, insait long wanpela fan resing kaikai bilong wokim nupela opis bilong CBC long 25 Novemba 2012. Fr. Roche i tok tenkyu long Minista long gutpela pasin bilong em na tu long em i save

sapotim yet wok bilong Katolik Bisops Konprens.

Praim Minista O'Neill i givim pinis K2 milien, bilong wanem em i bin promis long givim K5 milien kina long ol i wokim nupela opis. Minista bilong Helt na HIV/AIDS, Mista Malabag i bin promis long givim K100,000 long yia i go pinis. Gren Sif Michael

Somare i tok em i laik givim K100,000 we em i bin promis long givim long 2014.

Fr. Victor i tok, CBC nau i wok long redi long statim wok bilong kirapim nupela opis klostu tasol long olupela opis. Nupela opis bai kos olsem K8 milien na long dispela CBC nau i gat pinis K2.5 milien na ol i painim mani yet.

Pop Francis bin gat klostu 7 milien visita Winim mak long tripela taim

MOA long 6 milien pipel i bin go lukim Pope Francis na tu, stap insait long ol ektiviti long Vatiken long las yia, ol ripot i kam long Zenit Nius ejensi long Vatiken i tok.

Ol i bin makim Pop Francis long nupela wok long Mas 13 las yia na ripot i tok 6.6 milien pipel i bin go insait long ol kain sios na pablik ektiviti o ol program wantaim Pope Francis inap long Desemba 31.

Em ol program olsem jenerel bung we mak i kamap long 1,548,500 pipel, praivet bung wantaim 87,400 pipel, ol litejikel selebren long Basilika na long Sen Peter's Skwea long Vatiken we i lukim (2,282,000 i kamap na

long taim bilong Angelus na Regina Coeli i lukim 2,706,000 Katolik pipel i bung wantaim Pop Francis long dispela belo lotu bung.

Vatiken i tok dispela mak i gat long em tasol ol program i bin kamap insait long Vatiken. Na i no ol dispela i bin kamap ausait olsem ol wokabaut bilong em long Rom na ol narapela ples moa.

Vatiken ripot i tok mak stret long ol Katolik i bin bung wantaim Pop Francis long ol program em 6,623,000.

Vatiken ripot i tok long las yia, moa long 2.3 milien pilgrim i bin joinim Pop Bene-

dict 16 long ol bung, ol liteji o preia taim na ol araperla program olsem.

Long 2011, samting olsem 2.5milien i bin go long Vatiken long stap insait long ol program wantaim Pop Benedict 16.

Vatiken i tokaut tu olsem 5.5 milien pipel i bin lukluk raun long ol museum long Vatiken long las yia, 2013.

"Pop Francis i wok long pulim planti lain i go long Vatiken na dispela tu i mekim moa pipel i go lukim ol museum long hap," Profesa Antonio Paolucci, em Dairekta bilong ol Vatiken museum i tok.

Em i tok tu olsem ol mu-



DAUN PASIN POP: Pop Francis i blesim ol pipel insait long wanpela lotu bung long Vatiken las yia.

seum i wok long putim ol nupela teknoloji masin olsem sekyuriti was long helpim lukautim ol atwok i no ken bagarap.

Esia Metodis Sios kongrikesen gat gutpela selebren

Veronica Hatutasi i raitim

MOA long 200 Metodis Sios long PNG memba i bin holim ol Krismas singsing na bung kaikai long Tien En Metodis Sios long PNG, 8 Mail Malolo Estet ausait tasol long Mosbi siti olsem hap bilong Krismas selebren.

Kampani RH i bin sanapim nupela sios long ol Kristen memba bilong ol i wok long RH, Visen Siti na tu, ol i stap long Mosbi na wok long ol wan wan kampani i ken go lotu long presim, tok tenkyu na apim nem bilong Bikpela.

Ol Metodis Sios long PNG memba em ol bilong kantri Malesia, Taiwan, Saina na ol arapela kantri moa long Esia.

Pastaim ol sios memba wantaim ol famili, pren na

wantok i bin gat bung kaikai long bikpela spes ausait long sios we ol bin serim planti kaikai ol i kukim long ol kain stail, ol sof dring, juis na wara.

Bihain ol i go insait long sios na ol wan wan grup na kwaia i singsing. Ol pikinini tu i bin putim kamap ol eksen na singsing.

Plantu ol bikman olsem ol bos bilong Visen Siti na RH i bin stap log dispela Krismas bung kaikai na kwaia na grup singsing.

Nancy Ngu i wanpela Kristen bilong Malesia na i stap na wok 6-pela mun nau long PNG.

Em i tok planti pipel long Malesia na moa yet, long Sarawak Stet, em ol Kristen na ol i gat fridom long go long lotu.



TAIM BILONG OL PIKININI: Ol miks PNG na Malesia pikinini husat i memba bilong dispela kongrikesen i wokim ol eksen long ol singsing lotu. **Ol Poto: Frank Tsay**

Mis Ngu i no nupela long PNG bikos em bin wok long wanpela timba kampani long Namatanai, Nu Ailain Provins long 1992. Em bin go bek long ples na em i kam bek gen long PNG long las yia.

Ol kongrigesen memba i bin gat gutpela taim long Krismas program bilong ol i bin kamap long Sarere nait, Desemba 15. Program i bin stat long 6 ki lok nait na pinis long 9 ki lok nait.

ELC Karkar distrik makim nupela presiden

Paulus Tali i raitim

EVANJELIKAL Lutheran Sios bilong Karkar distrik nau i gat nupela lida.

Reveren Galat Nugot, em sios i makim olsem namba 5 man long kamap lida bilong Karkar sios distrik. Dispela ileksen i kamap long mun Novemba.

Presiden Reveren Nungot i tok, bai em i wok klostu wantaim ol distrik lida na ol Kristen manmeri na mekim wok bilong sios i go.

Karkar Ailan i gat moa long 70,000 populesen na planti bilong ol i bilong Lutheran Sios. Reveren Nungot i

mekim dispela tok taim distrik i makim em olsem nupela lida bilong Lutheran Sios insait

long Karkar, Madang Provins.

Reveren Nungot i bin tok amamas i go long olupela bisop, Reveren Ibak Riani.

Reveren Riani tu i bin mekim tok amamas long nupela lida na wanbel i bin kampa long wok bilong sios i mas kamap na ran long mak bilong en. Long hap taim, Reveren Steven Aigal ibin lusim laip bilong em na

Reveren Masul Bagel i stap eking lida inap long konprens i bin makim Reveren Galat Nungot olsem nupela lida.

Reveren Nungo i bin mekim wok pasto inap long 28 yia na em i kamap long mak long kamap lida bilong sios distrik long karim hevi bilong wok Gutnius i go moa. Pastaim Reveren Nungo i

bin mekim wok pasto insait long Bagia seket, 1991 i go 1995. Em i wok pasto wantaim ol asples Kurum. Em i bin mekim wok pasto insait long ELCPNG Yabem distrik na ELCPNG Goroka wantaim Kainantu distrik 1999 i go long 2008.

Em i bin wok long dailok opis namel long Lutheran Sios na Riniuwol grup insait long

lsten Hailans. Bihain em i kamap saplen bilong Karkar Hai skul inap sios i makim em olsem nupela distrik lida.

Reveren Galat i tok, em bai sanap strong long mekim wok bilong Gutnius na bringim lait i go long 6-pela

seket bilong Karkar distrik na lukluk moa long wok misin eria bilong Karkar distrik insait long Manus.



Krismas long Laloki Haus Sik

SAPOS yu stap long Mosbi na yu harim ol i kolim nem bilong Laloki, tingting bilong yu bai i go long ol man i gat sik long tingting i stap long Laloki Haus sik. Tasol no ken lusim tingting, planti manmeri i gat gutpela tingting tu i stap long Laloki. Sampela i stap long ples nabaut na sampela i wok manmeri, dokta na nes i stap long Laloki tu.

Long 23 Desemba 2013, em i bin spesel de bilong ol manmeri bilong haus sik long Laloki. Missionary of Charity Sisters (MC Sisters) i go pas long ogenaism dispela wokabaut i go long ol manmeri i gat sik long tingting o tingting bilong ol i no stap stret.

MC Sista i bin askim Liteji grup na yut bilong Sen Michael Peris Hanuabada i go wantaim ol.

Bipo long givim ol kaikai na presen bilong Krismas, Santu Misa i bin go pas.

Mi bin go joinim ol tu. Pater Jude, bilong Holi Nem Peris long Bomana i go pas long Santu Misa.

Ol i no gat haus lotu. Olsem na mipela i wokim lotu aninit long wanpela bikpela diwai. Planti man tru i joinim long santu Misa. i gat faipela meri tasol i gat sik long tingting na long taim bilong lotu, tupela meri tasol i stap wantaim mipela.

Manmeri i joinim lotu em ol lain i gat sik mental tasol ol i kamap orait liklik. Tasol planti man i no inap kam joinim Santu Misa, bikos ol i gat bikpela sik yet. Pasin bilong ol i no kamap orait liklik yet. Dispela lain i stap insait long rum i gat strongpela banis tru, bikos sampela taim em i hat long kontrolim ol. Olsem na ol i putim ol insait long strongpela banis bilong rum olsem kalabus tru.

Taim bilong Misa, Pater Jude i bin ritim Gutnius, stori bilong Maria i go lukim Elisabeth, Kandere bilong em.

Long dispela gutnius, Pater i tok strong olsem sapos yumi kisim Jisas insait long bel bilong yumi, yumi bai i no inap pasim maus. Yumi mas autim i go long narapela, serim wantaim narapela. Maria i kisim Jisas long bel bilong em, tasol em i no haitim bilong em yet. Em i lusim ples bilong em na ran i go long serim wantaim kandere bilong em Elisabeth.

Taim bilong Krismas, yumi welkamim Jisas i kam long bel bilong yumi. Larim Maria i karim Jisas insait long bel bilong yumi. Jisas i stap long bel bilong yumi, em i no bilong yumi tasol. Yumi mas serim wantaim narapela manmeri.

Olsem na long taim bilong Krismas, planti manmeri i save givim presen long narapela narapela. Serim kaikai na drink i go long narapela narapela. Olsem tude, MC Sista wantaim sampela manmeri bilong Hanuabada i kam na serim amamas bilong Krismas wantaim sikmanmeri long Laloki Haus sik.

Wanem samting ol i serim wantaim yupela, em i olsem AMAMAS, BLESING bilong Jisas i kam long yupela. Taim yupela i kisim presen tude, yupela i kisim Jisas i kam stap wantaim yupela.

Jisas i no kam long yumi long Santu Komunio tasol. Em i kam long yumi long kain kain rot. Em i kam long toktok, long gutpela wok na long gutpela kain kain presen yumi kisim long narapela manmeri.

Bihain long Santu Misa, Sista wantaim sampela lain i givim kaikai lans long ol na wankain taim ol i givim presen i go long olgeta sikmanmeri bilong Laloki Haus Sik. I no long ol sik manmeri tasol, tasol long sampela nes na wok manmeri bilong haus sik tu i bin kisim presen tu.

Bihain long givim kaikai, mipela i go givim kaikai long ol man i stap insait long strongpela banis. Ol i sanap long lain na wan wan i kisim lans bilong ol na wan wan pasel bilong Krismas presen.

God, lukautim na helpim ol bai ol i kamap orait gen!



Wanpela greduet pailot bilong Vanuatu i painim wok...

Ol ovasis greduet i painim wok

Ol kantri blong Pasifik i save salim planti ol pipel i go ovasi long stadi na pinisim skul, tasol i no gat wok long taim ol i go bek long ples bilong ol.

Wanpela pailot bilong Vanuatu, Charles Hakwa i bin toktok wantaim Kene Kala bilong ABC long dispela hevi bilong painim wok.

Vanuatu i wanpela kantri insait long Pasifik we ol greduet husat i bin pinsim skul long ol ovasis kantri i no inap painim wok long taim ol i go bek long kantri bilong ol.

Foapela mun i go pinis, Charles Hakwa i bin greduet na kisim laisens bilong pailot long Kwinslan tasol em i no inap painim wok long taim em i go bek long Vanuatu.

Air Vanuatu i gat 24 ni-Vanuatu pailot na planti moa pailot bilong ol arapela kantri.

Charles Hakwa i tok tu olsem Vanuatu em i liklik ples, olsem na planti pailot i no gat wok.

Mista Hakwa i tok i kam inap nau, em i no painim wanpela wok olsem na nau em i luk-luk long painim wok long ol narapela kantri long wol.

Em i askim gavman bilong Vanuatu long luksave long ol greduet na painim gutpela rot bilong givim wok long ol.

Ol buai sela painim taim nau

Buai em i grin gol bilong Papua Niugini. Em i save helpim gut ol pipel husat i no gat wok long Mosbi siti.

Nancy Michael i wanpela buai holsela long Mosbi. Em i toktok wantaim Caroline Tiriman bilong ABC long dispela hevi ol i bungim nau long salim buai insait long siti. Nancy Michael i bilong Wabag, long Enga. Em i save salim buai long Mosbi long helpim famili bilong em.

Misis Michael i tok em i save go long Galp provins long baim ol beg buai na salim ol dispela beg buai i go long ol pipel husat i save baim na salim gen long wan kina o 50 toea long wan wan buai.

Em i tok em i save baim bikipela mani long ran long trak i go long Kerema, long Galp provins long baim buai long wanem em i save lukim bikipela mani long en.

Misis Michael i tok tu olsem, mani em i save kisim long buai i save winim mani em ol pipel husat i save wok long ol opis i save kisim long wan wan potnait.

Indonesia sutim tok long Australia

Gavman bilong Indonesida i tok Nevi bilong Australia i bin fosim wanpela asail-

am sika bot i go bek long Indonesia, we em i bin sot long petrol na go daun long solwara.

Ol i tok dispela birua i bin kamap pastaim long Krismas na ol nius lain bilong Indonesia i bin tokaut long en bihain long ol refuji raits ektivis i bin lukim na ol i bin putim long Twitter.

Ripot i tok dispela bot i bin karim 47 ol asailam sika na tupela boskru i bin lusim Saut Sulawesi long Desemba las yia. Ol pasindia i bin tok olsem ol Nevi sip blong Australia i bin stopim ol na fosim ol long tanim i go bek long Indonesia, na taim ol i wok long go bek petrol i bin pinis long bot.

Ol i bin painim dispela bot long nambis long Rote Ailan na polis i bin pulim kalabusim ol pasindia. Rote Ailan, i stap long Is Nusa Tenggara rijon bilong Indonesia.

Wanpela lokal polis bosman long Rote Ailan i tok ol dispela asailam sika i bin wok long traim long go long Ashmore Ailan, tasol Australia Nevi i bin stopim ol na fosim ol i go bek long ol solwara bilong Indonesia.

Em i tok ol dispela lain i bin lusim Saut Sulawesi long go long Australia long Desemba 8 na Australia Nevi i bin fosim ol long go bek long Indonesia. Sikispla de bihain, long Desemba 19, bot bilong ol i bin sot long petrol na i bin kapsait long solwara klostu long Rote Ailan, we ol gavman opisa bilong Indonesia i bin kisim ol.

Gavman niuspepa Antara i tok klostu olgeta pipel long dispela bot em ol pipel bilong Afrika.

Minista bilong imigresen long Australia, Scott Morrison i mekim pinis wanpela tok-tok we em i tok em i no inap tokaut klia long dispela ripot bikos long ol wari bilong sekyuriti.

Dengi fiva i kamapim wari long Fiji

Lain bilong Wol Helt Ogenaisesen i tok em i wari tru long wanpela nupela kain binatang bilong dengi fiva i wok long givim sik long ol pipel bilong Fiji. Ol natnat i save karim binatang bilong dispela sik.

Wol Helt Ogenaisesen i tok em i wari long wanem ol i no bin lukim dispela kain sik long Fiji inap 20 yia nau.

Ol i bilip olsem dispela sik i wok long muv wantaim ol pipel taim ol i lusim taun i go long ol rural eria long malolo long Krismas.

Samting olsem 406 pipel i bin kisim dispela sik dengi fiva long Novemba 2013.

Binatang bilong dengi fiva ol i save lukim olgeta taim long Fiji em ol i kolim Strain 1.

Tasol nau ol i wok long lukim Strain 3 inap tripela mun nau. Ol saveman i tok ol i bin lukim dispela Strain 3 bipo long Solomon Ailan na Frens Polinesia.

Ol poto nius



Hap ples long Laloki we buai maket bai kamap. Poto: Nicky Bernard



Polis sek long Rabaul long krismas de...



Dickson Rumet wantaim Liklik brata bilong em Kanai Robin I wet long kisim bot long John j. Nambis o Duk Ov Yok Ailan bustop long go bek long ples long taim bilong Krismas 2013. Photo Michael Novingu

Papamama i mas wokbung long statim gut skul yia

WANTOK
KOMENTRI

I gat wanpela mun i stap nau bipo long ol skul insait long kantri i stat. Ol pikinini husat i malolo i stap nau bai amamas long go bek long skul long lukim ol poro bilong ol na statim nupela gret long skul. Dispela yia i wankain olsem las yia we nesenel gavman i baim skul fi bilong ol pikinini na ol papamama i baim projek fi tasol bilong skul.

Gavman i luksave olsem eduken em i bikipela samting tru long laip bilong pipel olsem na em i givim sans long ol papamama i salim olgeta pikinini i go skul. Olsem na long taim skul i stat gen bai yumi lukim planti moa pikinini i kam long skul. Sampela skul i orait, ol i gat spes long ol klasrum na i gat inap tisa long skulim bikipela namba bilong ol pikinini. Tasol planti sku tru long kantri bai painim taim. Ol i no gat inap klasrum long putim ol pikinini. Sapos yu raun long planti skul long Mosbi bai yu inap lukim ol pikinini na tisa i sindaun aninit long diwai bikos klasrum i no redi.

Wok bilong sanapim klasrum na stretim ples bilong ol pikinini i sindaun em i wok bilong wan wan skul edministresen na skul bot wantaim ol papamama.

Sapos ol i smat long wok bung, bai ol inap long abrusim ol salens na skul bai inap stat gut. Planti skul i gat hevi i stap namel long skul edministresen na skul bot wantaim ol papamama olsem na i gat hevi i save kamap



olaim. Ating long taim skul i bin pas las yia, ol i no stretim hevi i stap namel long ol yet na bai ol i karim i kam insait

long dispela nupela yia tu. Yumi no save.

Ol papamama na ol skul bot i gat bikipela wok tru long

mekim. Sapos papamama i laik ol pikinini i skul gut na ol tisa i mekim gut wok bilong ol, orait yupela makim ol gutpela

na stretpela manmeri long sindaun long skul bot. Na siaman bilong skul bot na komiti bilong em i mas smat long wok na helpim skul edministresen long kamapim ol samting.

Hanmak bilong skul bot em i bikipela samting long wan wan skul. Gutpela hanmak bai kamap sapos siaman na bot i smat long wok bung wantaim ol papamama na skul.

Na ol papamama i mas wok bung wantaim skul bot long kamapim skul. Planti taim bilong miting bilong skul, ol papamama i no save kamap na harim ripot na givim tingting bilong ol.

Ol dispela lain husat i kamap long miting i save komplek tasol na tromoi strongpela toktok i go bek long het tisa bilong skul na siaman bilong bot. Ol i lusim ting olsem ol skul bilong yumi em ol komyuniti skul na yumi ol papamama i mas go pas long helpim wok bilong skul.

Taim i senis nau long ol skul long taun. Yumi no lukim tumas gutpela pasin bilong bipo we ol papamama i save kam bung bipo long skul yia i stat na helpim long klinim skul graun na ol klasrum.

Dispela pasin bilong amamas na wokbung long helpim skul bilong ol pikinini bilong yumi i no strong tumas olsem bipo. Tude yumi larim ol pikinini yet na ol tisa i hatwok long namba wan wik bilong skul long klinim ples na redim ol klasrum. Ating ol skul bot i no luksave na askim ol papamama na komyuniti long kam klinim

skul o olsem wanem? Yumi laik ol pikinini i luksave long gutpela pasin bilong helpim wanpela narapela na pasin bilong lukautim gut ol kain samting olsem skul, orait yumi yet i mas soim gutpela eksampel na go pas long klinim skul na redi gut bipo long skul i stat. Yumi mekim olsem bai yumi soim gutpela eksampel long ol pikinini olsem dispela kain pasin i strong yet long komyuniti bilong yumi.

Ol pikinini na ol tisa tu bai amamas sapos ol klasrum na ples insait long skul i redi long taim skul i stat. Bai ol tisa i wok gut long skulim ol pikinini bilong yumi na ol i no westim taim long painim klasrum na salim ol pikinini i go bek long haus bikos i no gat klasrum.

Nupela yia 2014 i mas lukim sampela gutpela senis i kamap long strongim ol skul long givim gutpela save long ol pikinini. Wan wan skul bot bai makim projek fi bilong skul. Em i wok bilong ol papamama long luksave na wanbel long baim projek fi hariap long helpim wok bilong skul.

I mas gat mani long pinisim wok bilong sanapim moa klasrum o wokim gutpela toilet o stretim ol baret na wokim gupela ples bilong wokbait na ol narapela wok insait long skul.

Gavman i helpim long baim skul fi. Orait yumi ol papamama i mas hariap long baim projek fi na wok bung wantaim skul bot na edministresen long helpim ol pikinini bilong yumi. Save i stap long yumi wan wan.

Buai i no kastom bilong olgeta PNG

Gutpela long lukim olsem Gavana bilong Nesenel Kapitol Distrik (NCD) Powes Parkop i sanap strong long lo bilong rausim buai na klinim siti.

Mosbi siti i klin nau bikos long Januari 1, i kam nau no gat moa buai long maket na long rot sait nabaut. Ol polis na sekuriti i mekim bikipela wok raun long sekim ol rot blok long stopim ol buai long no ken kam insait long siti. Buai beg i save kam long Mekeo, Kairiku na Kerema.

Long Mande dispela wik, em olgeta liklik buai maket long siti em ol polisman i raun na kukim ol na no gat manmeri i sanap moa long rot sait nabaut na salim buai.

Sas bilong kaikai buai long spetim em K300. Ol PMV i karim buai beg i kam long siti bai sas long K1,000 na ol balus na sip i karim buai beg bai sas long K10,000.

Em lo bilong Mosbi siti long klinim siti wankain olsem ol arapela taun we ol kaunsil bilong ol save kamapim ol lo bilong klinim ples na stapim ol trabel na stil pasin nabaut.



Plantim manmeri i wanbel long dispela lo bikos nau ol gat liklik mani stap long poket long baim kaikai stret na no moa westim long buai. Planti woklain tu i sindaun isi long opis na wok bikos ol no moa raun nabaut na painim buai raun long rot.

Dispela em i no lo bilong Gavana Powes Parkop tasol. Em i lo bilong NCDC Bod bihainim sampela bikipela senis na developmen we bai kamap long siti long dispela yia na ol yia i kam.

Dispela yia bai planti ovasis manmeri bai kam long Mosbi siti long bikipela bung bilong Saut Pasifik Festival we ol bai kam soim ol tumbuna bilas na danis na ol kain kain samting ol save mekim long ples na bilong ol olsem kaving, bilas na planti moa.

Em i bikipela samting olsem na siti i mas stap klin bai ol ausait lain i ken lukim gutpela pes bilong Papua Niugini long Mosbi.

Neks yia bai bikipela pilai bilong Pasifik Gems we olgeta Pasifik kantri bai kam pilai spot hia long Papua Niugini. Olsem na ples i mas klin long ol lain ken kam na pilai gut na amamas. Bihain long 2018 bai bikipela bung bilong Esia Pasifik Ekonomik Konperens (APEC) i kamap long Mosbi we olgeta lida olsem Paiminista na ol Minista bilong ol ovasis kantri bai kam long PNG long dispela bung.

Olsem na dispela disisen bilong klinim siti nau em i gutpela long yumi mekim na statim nau.

Tru olsem planti lain bai hat nau long mani bikos ol i save salim buai na kisim mani bilong lukautim ol na famili. Tasol lukim, buai i mekim siti go doti olgeta. Pasin bilong wantok bung na wokim trabel long siti tu save kamap bikipela bikos ol i bung long buai maket na wokim trabel. Ol i kisim blok

nabaut nabaut na slip na salim buai we papagraun o gavman i no oraitim ol long wokim haus na blok nabaut. Em ol kain hevi olsem i kamap bikos long buai maket tasol.

Buai i no tumbuna o kastom pasin bilong yumi olgeta Papua Niugini. Ol Hailans i no save baim meri o kompensesen long buai o skelim buai long bikipela kaikai na bung. Em i no kaikai o tumbuna pasin bilong ol.

Wankain tu planti nambis ples i no save yusim buai olsem tumbuna kastom bilong ol. Em wan wan tasol save brukim buai long taim bilong baim meri, stretim hevi o bikipela bung na kaikai. Nogat em ol buai hangamap nating stap na drai na pundaun nabaut.

Tingim tu olsem buai save kamapim traipela sua olsem kensa long maus. Em i bagarapim bel tu na yu no inap kaikai gut.

Samting ya i gat planti bagarap na hevi long em olsem na yumi lusim na tromoi go.

WANTOK

Published Weekly, Thursday, for Word Publishing Company, Ltd.

P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Websait: www.wantokniuspepa.com

Pe bilong wanpela yia, 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Acting Editor
Veronica Hatutasi

Published at
Able Building
Complex,
Sec 58 Lot 02,
Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest or its absolute discretion. The publisher's general terms acceptance are available at Word Publishing Company Ltd and are set out full on the display advertising form.

Wol nius poto




BIKPELA AIS TRU...

Bikpela rekot tru long bikpela ais i karamapim Yunaited Stet i bagarapim 200 milien pipel. Bikpela kol na ais i pun-daun long US we planti bagarap i kamap. Hia piksa i soim wanpela faunten wara i save kamaut i strong olgeta long ais na wanpela wokman i wok long kap-saitim wesana antap long en. Planti trenspot i stop wok. Skul na bisnis i pas, na planti painim haus long staph ait long dispela bagarap.



Tambu long lukim man bilong em...

Tracey Carew i sanap autsait long wanpela bikpela kalabus long Australia we i no inap long go lukim man bilong em husat is tap insait. Man bilong em i wanpela gang bilong ol motobaik lain we ol i bin mekim wanpela bikpela trabol long Sunshine Coast long las Novemba yet. Tracey it ok, Stet Gavman i rausim dispela rot bilong em long go lukim man bilong em insait long kalabus bios e mi bin mekim sampela strongpela toktok long lejislesen bilong gavman.



Salim ol Asailam Sika go bek...

Labour pati i tok hat long Gavman long hait ripot we bai ol baim ol laifbot na salim ol asailam sika go bek long Indonesia. Dispela samting i bin kamap tai mol i harim olsem gavman i laik salim go bek 16-pela asailam sika long laifbot feri i go bek long Indonesia. Toktok i kamap nau olsem gavman i rere nau long baim ol dispela traipela enjin pawa laifbot na holim ol dispela asailam sika lain na salim ol i go bek long Indonesia.

Lapun mama salim drag...

Kot long Sydney i sindaun nau long harim wanpela kes we wanpela lapun mama i salim drag long peim marasin na haus sik bilong wanpela pikinini meri bilong em husat i gat sik teminol kensa. Barbara Patricia Stiff husat i nau sanap long Waverly Lokol Kot i sas long salim mariwana na ol arapela drag long Malabar haus bilong em long Sydney. Lapun meri husat i gat 78 krismas i stap long han bilong ol Polis long las yia Jun 2013, tai mol i holim em na painim 67gram kanabis spak brus na ol arapela drag olsem paraphernalia insait long haus bilong em.





Yaimas singsing grup bilong Rai Kos i soim stail bilong kangal taim ol i kisim ol sumatin na gest go long greduesen.



Ol sumatin i mekim nesinal plesds.

Rai Kos Sekonderi Haisku i ken senisim ples

**Mathew Yakai i raitim
MY Media & News Agency**

RAI Kos Lutheran Haiskul i stap long Rai Kos distrik bilong Madang provins. Solwara bilong Astorobe Bei i katim na maunten bilong Finister Rens i banasim. Rot bilong kar em nogat bikos i gat planti bikipela wara i save brukim bris na bagarapim rot.

Long Desemba las yia, mi wokabaut go long skul na man i save kukim kaikai bilong ol sumatin i kisim mi go long nupela mes bilong ol. Tasol antap long dispela mes em wampela bikipela han bilong diwai i silip antap na brukim dispela haus kapa.

Mineral Risos Atoroti (MRA) i bin wokim dispela haus kapa wantaim ol narapela wok bilong skul ananit long luksave bilong Ramu NiCo projek MOA (Memorandum of Agrimen). Mak long K1.8 million i bin go long dispela wok na tude i lukim Rai Kos Haiskul i naispela ya.

Tasol dispela han bilong diwai i silip antap stap yet. Taim ol i rausim bai ol nidim K10,000. go K20,000 mak mani long stretim dispela bagarap i bin kamap.

Long neks de, i bin gat greduesen bilong ol gret 11 na gret 10 na ol i kisim gutpela nius long Madang Provins Edukesen Ed-vausa, Moses Sariki.

"Tude 11 de long mun Disemba, mi tokaut olsem Rai Kos Haiskul i kampa wampela sekonderi skul insait long Madang," Mista Sariki i tok.

Tasol mi luk olsem dispela gutpela nius i no kirapim tingting bilong ol pipel. Sapos long hailans bai ating i gat bikipela singsing na amamas bilong wanem eduke-sen na skul em bikipela samting long laip bilong ol.

Ol sumatin wantaim tisa i paitim han na amamas bilong wanem ol i save olsem dispela taim bai ol sumatin bai go stret long gret 11 na no gat hatwok long painim spes long Malala, Brahman, Tusbab na Karkar Sekonderi skul.

Long 2010 mi bin go na skul ya i bagarap stret. Ol bikipela gras i bin kamap na winim sais bilong skul. Ol klasrum na domitori bilong ol sumatin i bagarap stret. Tasol long Desemba 11, man mi mangalim skul stret ya. Ol flawa gaden i gro nais stret, Ples i klin tru na domitori bilong ol sumatin i nais. Ol toilet i klin tu.

Yaimas Singsing grup i stailim kangal bilong ol na kisim ol sumatin na ol arapela man meri i go long ples bilong greduesen. Dispela em i namba 29 greduesen bilong ol gret 10. Na ol gret 11 em ol namba wan lain we i bai mekim gret 12 neks yia.

Ol lain i go mak long pinis olsem Gali na Malalamai na stat bilong Rai Kos olsem Erima i kamap. Long maunten em ol lain bilong Teptep na Sorekiri, na Mebu tu i kamap. Long Madang em ol biklain bilong edukesin na memba, James Gau i kamap.

Plantu gutpela toktok i bin kamap taim greduesen i stat. Ol i givim skul toktok olsem ol i save mekim long olgeta skul olsem edukesen em i bikipela samting na ol pikinini i mas holim skul pas na lusim pasin spak, mariwaana na yawa.

Tasol mi wok long tingting sapos bai i gat luksave bilong gavman long kamapim dispela skul i go bikipela, i no bin gat gutpela luksave long las 29 krismas. Skul i bagarap stret i kam inap taim Ramu NiCo i bin kamap na planti wok i bin kamap aninit long MOA bilong Ramu NiCo project long kamapim skul.

Ramu NiCo Rifaineri em i no stap longwe long skul tu. Na Skul ya i stap insait long impekt eria bilong Ramu Nico aninit long Kostel Paiplain eria. Dispela tasol i mekim Rai Kos Sekonderi Skul bai kisim planti helpim aninit long Ramu NiCo Project o ol narapela gavman ejensi olsem Minerals Risos Atoriti (MRA).

Olsem yumi save pinis, long ol hap we i gat ol bikipela projek olsem mainin, ges na timba em

gavaman i wok long luksave long ol papagraun wantaim ol bikipela projek olsem skul, polis stesin, haus sik, rot, bris na ol narapela infrastraksa.

Taim Ramu NiCo i kam insait, planti sevis i bin kamap pinis long Usino-Bundi na Rai Kos aninit long MOA na long kampani tu. Na sampela sevis i bin go long Rai Kos Sekonderi skul tu.

"Dispela gavman i bin soim komitmen bilong em na i bin kamapim planti sevis pinis," Minista bilong Main, Byran Chan i mekim dispela toktok long taim ol i sainim rivais MOA bilong Ramu NiCo Projek.

Long 2012, gavman i givim namba wan hap bilong Rai Kos Haiskul mentenens mak long K1.1milien na long 2013 em namba tu hap wok long Rai Kos



Ol sumatin i redi long go long hap bilong greduesin.



Han bilong diwai we i pundaun long mes bilong skul. Ol Poto: Mathew Yakai

Haiskul mentens long mani mak K1.2milien.

Aninit long rivais MOA, gavman bai kamapim tupela taun, wampela long Usino-Bundi na narapela long Basamuk, Rai Kos distrik na stretim tu Rai Kos haiwe. Dispela bai helpimmoa Rai Kos Haiskul.

Ramu NiCo i kamapim planti gutpela samting long Rai Kos Sekonderi skul olsem bipo tu we kampani i givim wampela trakta, moa long 100 bet bilong ol sumatin na ol narapela helpim

olsem Mingming waia bris long taim Gawar tait warai i bagarapim.

Plantu taim politiks i no save givim ol bikipela gavman sevis i go long ol pipel tasol wok bung namel long Rai Kos Ai Skul na Ramu NiCo bai i kamap strong long givim dispela gutpela sevis i go long ol yangpela sumatin bilong Rai Kos na Madang. Na sapos Gavaman i kam insait na wok patna wantaim bai wok bung wantaim bai go strong olgeta.

Ol pipel bilong Rai Kos i mas kirap long silip bilong ol na ol

pasin kastom na ol narapela samting na mas luksave olsem i gat senis long kantri na wol. Rai Kos bai i no stap wankain. Na taim Ramu NiCo i stap pinis long graun bilong Rai Kos, i moa beta gavman bilong Madang na Rai Kos i mas wok bung wantaim Ramu NiCo long kamapim bikipela na gutpela samting long Rai Kos Sekonderi skul.

Tru! Rai Kos Sekonderi Skul i ken kamapim pailot, ensinia, dokta, loya na ol bikipela save man na meri bilong Rai Kos distrik. Rai Kos Sekonderi Skul i ken

TORO



BIABIA



KANAGE



KROSWOD

Antap

- 1 Rot em ges bilong LNG bai ran long en
- 5 Grasnaip
- 7 I no gat kaikai
- 9 Intenel Revenu Komisn
- 13 Lotu
- 14 Bia bilong PNG
- 16 Ragbi tim
- 18 Rot bilong go insait long haus
- 19 Adorim
- 20 Susa bilong papa na mama
- 21 Nesenel Alaiens Pati
- 22 Dring wantaim suga
- 24 Mani bilong baim wok
- 26 I no inap
- 28 Dipatmen i bosim ol ka
- 30 Hamas mani stap long akaun
- 32 Mobail fon i ring na i no gat bekim
- 33 Institut ov Nesenel Afeas
- 34 Wanpela diwai
- 35 Nambawan!

37 LNG

- 39 Liklik pikinini
- 41 Givim luksave na glori long God
- 43 Malolo na raun long narapela kantri
- 46 Ol samting
- 48 I no hatwok
- 50 Kain kain
- 51 Lotu
- 52 Wanpela strit long Mosbi siti
- 53 Holi

Daunbilo

- 1 Draiva bilong balus
- 2 Pos Opis
- 3 Bilong lukluk
- 4 Lukautim ol sik pipel
- 5 Ol toktok
- 6 Wara i kol tru na kamap strong
- 8 Yu tasol
- 10 Spit
- 11 Tupela politisen bilong Nu Ailan
- 12 Wanpela benk
- 14 Bilas bilong lek
- 15 Karamap

17 Hapsait

- 18 Salens
- 22 Sutlam
- 23 Salim mani kwik long pos opis
- 24 Bilong slipim het
- 25 Iektoret bilong nupela Praim Minista
- 26 I save pundaun long ol kol kantri
- 27 Sempian swima bilong PNG
- 29 Makim kendidet
- 30 Binen
- 31 Biktaun long Morobe
- 32 Liklik fon
- 34 Namba faiv mun
- 36 Abus bilong wara
- 38 Bilong wokim kaikai i teist gut
- 39 Tul bilong brukim graun
- 40 Namba faiv mun
- 42 Yu ____ mi
- 43 Em i givim skul
- 44 Baim ples bilong slip
- 45 I no aut
- 46 Ol asua i bringim yu long ai bilong kot

47 Epa

- 49 Kaikai ol i wokim long susu


SUDOKU

4	2	1	7	6	9	8	5	3
9	7	8	4	5	3	6	1	2
3	5	6	8	2	1	9	7	4
8	4	7	2	3	6	5	9	1
6	1	5	9	4	8	2	3	7
2	9	3	5	1	7	4	8	6
7	6	2	3	9	5	1	4	8
1	3	9	6	8	4	7	2	5
5	8	4	1	7	2	3	6	9


Ansa bilong las wik Sudoku # 26

2	7			5		6		3
	8		7					
		1	2		3	7		
	2	4		1				5
5			6	8	2			4
1			3			8	9	
		8	5		6	4		
				1		3		
6	5		7			2	8	

Ansa bilong Sudoku # 27 neks isu



Ansa bilong las wik kroswod



Wiken poto



KRISMAS ITAIM BILONG SEA: Krismas na Nu Yia spirit i no pinis yet. Hia ol memba bilong Malesia, Saina, Taiwan na ol arapela Esia Kristen komyuniti i memba bilong Methodist Sios long PNG, Malolo Estet, 8 Mail long Pot Mosbi i serim bung kaikai long selebretim Krismas na pinis bilong ol sios program bilong yia 2013.



KRISMAS SINGSING: Grup bilong RH, Vision City i singim ol Krismas na ol narapela preis singsing long liptimapim Bikpela antap.



SOLOMON HAIBISKES: Tupela yangpela long Kokopau, Buka, em Denise na Selfin i soim kain haibiskes flawa bilong Solomon Ailan i gro long arere long haus bilong ol.

Raun wantaim Kanage olgeta wik

Tupela kulau i stap

WANPELA moning, Kanage na pikinini man bilong em i go long nambis long sapim kanu. Kanage tokim misis bilong em long kuk na kam bihain. Pikinini man sapim kanu i go na Kanage kisim ples bilong em. Kanage sapim kanu i go na laplap tu i lus. Em nau rop kulau i kamap ples klia na hangamap i stap. Pikinini lukim na em tokim Kanage, "Papa. Mi lukim tupela kulau hangamap klostu tru. Inap mi sutim?" Kanage tu tuhat na nek drai na em tokim em long sutim tasol. Em nau boi bilong em kisim wanpela diwai na sutim stret drai kokonas. Kanage kisim bikpela bagarap stret na em pundaun antap long kanu na tanim tanim olsem wanpela pukpuk. Em kirap tasol na ron i go insait long solwara. Misis bilong em i kam na lukim Kanage na em askim em, "Kanage, olsem wanem long yu?" Kanage krai wantaim na tok, "Aiyo..misis bilong mi, pikinini sutim stret diwai bilong kokonas na tupela kulau bilong mi bagarap olgeta!"

P Posau Manus



Em i orait, mi man blo ples

KANAGE em mangi Kabwum. Em wanpela strongpela plesman stret. Long mun Jun, em kam raun long Lae taun long fes taim. Em i go stap wantaim ol wantok bilong em long tent siti. Long Sarere moning, Kanage tokim mama bilong haus, "Mams, mi laik raun i go long taun?" Mama ya bekim na tok, "Kanage, sapos yu laik raun, yu mas ekting olsem ol mangi bilong taun. Sapos yu raun olsem ol plesman, ol strit mangi bai holim yu na kisim ol samting bilong yu". Kanage i go werim wanpela longpela bilak jin trauses, KT su na dak glas. Kanage kisim 11 i go long taun. Em i go raun long ol stua na strit long taun. Em i go insait long wanpela stua. Stua ya i gat dispela ol wil long i go insait. Kanage paol na i go long

'exit' wil. Wil ya strong nogut tru na Kanage tuhat nating long i go insait. Kanage belhat na tok, "Maski, yupela lukim olsem ples man na yupela pasim rot bilong mi!" Sem taim em taitim bun na wil ya lus nating na Kanage i go insait. Ol kastoma lap long em tasol Kanage belhat na nogat wanpela man i kam toktok long em.

Snax Bisket
Lae

Ol i pilai deti ya

WANPELA taim, wanpela soka kompetisen i kamap long Bulolo namel long ol Bulolo Forestry Koles na Wau Sekendari skul tim. Planti ol manmeri i lukluk i stap wantaim ol sampela wait man. Tupela tim i no pilai gut olsem na wait man i kirap na tok olsem, "Ol lain pilai deti gem stret." Kanage i harim na em i kirap na i tok, "Tru ya, ol i no was was na ol i kam long pilai."

Bulolo
Morobe

Ol skwat! Teksim ol gutpela Kanage tok pilai i kam long:
Txt: 72356149

MI gat hevi mi na mi laikim helpim

Dia Laipain

Dia Laipain

MI wanpela Kristen man husat i marit na i gat tupela pikinini. Tasol mi laik maritim namba tu meri. Dispela narapela meri i bruk marit na em wantaim meri bilong mi i gat gutpela luksave na tu, meri bilong mi tok orait pinis long tingting na laik bilong mi.

Ol lain bilong meri bilong mi na ol lain tu bilong mi wantaim i wanbel, tasol papamama bilong dispela narapela meri i nogat. Meri ya i strongim mi na mi redi long baim em.

Olsem Kristen, mi laikim stiatok bilong Laipain sapos bai mi go het na kisim namba tu meri o mi bai lusim em.

UNDECIDED CHRISTIAN

Tenkyu long rait i kam long Laipain long serim wari bilong yu wantaim mipela.

Yu tokim mipela olsem yu wanpela Kristen, marit na yu gat tupela pikinini tasol nau, yu laik kisim namba tu meri. Yu tok ol lain bilong yu na meri bilong yu i wanbel long tingting olsem yu laik maritim namba tu meri, tasol ol lain papamama bilong namba tu meri i no laik. Tasol yu tok yu wanpela Kristen, na olsem yu rait i kam long Laipain long kisim helpim long sait bilong Baibel.

Wanpela moa taim gen, mipela i amamas long yu olsem wanpela Kristen, yu kam long mipela long kisim helpim long sait bilong marit bikos marit em samting God yet i sanapim. Gutpela pasin i stap long famili na marit em i bikpela samting long God. Taim famili i stap gut wantaim, sios bai stap gut tu.

Hevi we yu wok long bungim i kamap planti tasol em i sori samting long lukim olsem sampela Kristen i wok long mekim na dispela em bikos ol i no klia gut long ol tok i stap long Baibel. Em i hap long



kalsa bilong yumi long wanpela man i maritim moa long wanpela meri na olsem, long PNG, em i wok long kamap. Tasol em i helti? Em i kamapim ol famili i amamas? Em i fea o gutpela long ol meri na ol pikinini? Dispela em sampela ol kwesten o askim yumi olgeta i mas ansaim. Tasol pren, antap long olgeta samting, Tok bilong God i tok wanem long man i maritim moa long wanpela meri na brukim marit o divos?

Pastaim mipela i laik soim yu sampela tok tru long buk Baibel i sut long marit. i gat planti i stap, tasol bai mipela i autim sampela tasol long yu i ritim. Plen bilong God long marit long Jenesis Sapta 2:22 i tok "Olsem tasol na man i mas lusim papa na mama bilong em na go stap wantaim meri bilong em na ol bai kamap wanpela." Lukim gut, em i no tok ol meri tasol meri we i min olsem wanpela meri tasol. Wankain toktok i kamap long Mark 10:7,8, Matyu 19:5 na Korin 1, 6:16.

Namba tu, bai yu luksave olsem taim yu lukim narapela meri, yu wok long mekim sin pasin o adaltri. Maski meri bilong yu, ol famili bilong em na bilong yu i wanbel long dispela na yupela i lukim olsem em i stret, em i sinpasin yet. Ritim Matyu 5:27,28.1 na Peter 3:1-7.

Namba tri, Baibel i tok wanem long ol meri i bruk marit i stap o marit long ol. Em i tok man i maritim meri i bruk marit i wokim sinpasin. Matyu 5:31,32.

Namba foa em, laik pasin bilong God. Laik pasin God i gat em long wokim sakrifais long ol selpis laik yumi gat long narapela. Na long marit laip, man i mas woki olgeta samting long lukim olsem

dispela laik pasin i stap strong, wankain tu long sait bilong meri bilong em. Pren, long ol Baibel skriptja, mipela i bilip olsem yu luksave long posisen yu stap long en. Yu wok long bihainim laik bilong husat? Meri bilong yu, ol pikinini o bilong yu yet? Pren, tingting long dispela.

Baibel i tambuim pasin long wanpela man i maritim moa long wanpela meri na sinpasin bikos em i no stret long ai bilong God. Sin pasin i bagarapim ol famili, komyuniti, sios ns kantri. Amamas long gat planti meri i bilong liklik taim tasol tasol hevi yu bai karim long laip bilong yu i bikpela moa. Ol narapela i ken lukim olsem em i stret, tasol olsem wanem long ol pikinini bilong yu? Yu askim ol long tingting bilong yu long dispela? Yu ting bai ol i amamas long serim wanpela papa wantaim ol pikinini bilong narapela meri? Bai em i fea o stret long ol?

Mipela i tubel long yu i tok meri bilong yu na ol lain bilong em i wanbel long tingting bilong yu. Yu tok tru o nogat?

I moabeta yu go lukim sios pasto bilong yu o, tupela marit i gutpela pren bilong yu long givim yu stiatok long sait bilong marit. God i laikim yu nai laikim yu long stap amamas long marit yu gat long en na ol pikinini bilong yu. i moabeta yu no giamanim God, tasol askim long gutpela stia bilong em na em bai kamapim gut marit bilong yu. Ritim 1 John 1:9.

God i ken givim yu gutpela stia. Pren bilong yu
Laipain

Sapos yu gat wari, rait i kam long Lifeline, P O Box 6047, Boroko, NCD. Telipon: 3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori. Laipain

Hani Bi bilong Esia kilim Hani bi bilong PNG

- Ol fama nidim Hani bokis
- Prodaksen bilong diwai krop i pundaun long wol maket
- Nogat inap saplai long ekspot
- NARI na DAL i mas kamapim wokpainimaut

Stanley Nondol i raitim

PNG Fama na Setla Asosiesen i gat bikipela wari olsem Hani bi bilong Esia i wok long kilim dai ol hani bi long kantri.

Presiden bilong PNG Fama Setla Wilson Thompson i tok ol Hani bi bilong Esia i kam insait wantaim ol binatang nogut na i kilim dai ol gutpela Hani bi long long kantri.

Mista Thompson i tok PNG i gat bikipela hevi long ol lokel Hani bi i wok long dai bikos dispela Esia hani bi i gat binatang nogut na bin kilim dai ol hani bi long Yuropna prodaksen bilong bi i bin pundaun long sampela yia i go pinis.

Mista Thompson i tok dispela hevi i ken bagarapim ol arapela egrikalsa krop olsem ol kaikai bilong gaden na ol kes krop.

Mista Thompson i tok hani bi i save mekim bikipela wok long flai go kam long ol gaden samting na mekim isis long ol i ken putim gutpela kaikai. Tasol dispela i ken

bagarap bikos ol hani bi long kantri i wok long dai wantaim ol binatang nogut bilong Esia bi.

PNG Fama na Setla Asosiesen i gat bikipela wari long Novemba ripot bilong Wol Benk i tok ol ekspot bilong ol diwai krop i pundaun pinis insait long 10 pela yia.

Mista Thompson i tok Dipatmen bilong Agrikalsa na Laipstok wantaim Nesenel Agrikalsa Rises Institut i mas kwiktaim kamapim rivyu long wok rises bilong ol long dispela hevi.

Mista Thompson i tok amamas long wanpela priliminari stadi tasol em i tok NARI i mas surukim wok rises i go het bikos ol krop bilong diwai i pundaun long wol maket. Em dispela i kamap bikos ol hani bi long kantri i wok long dai na i no mekim wok bilong ol long ol diwai krop bai karim gutpela kaikai.

Long wankain taim Mista Thompson i tok long 1970 i kam long 1990 Nu Silan na PNG gavman i fandim na lukautim Bi kiping long kantri na prodiksen i bin stap long

150 tan long wan wan yia wantaim 3,000 fama.

Totel ekspot i go long Australia i bin stap long 100 tan. Long 1995 PNGBC i tekova long faktori na prodaksen i bin pundaun.


DAL i kamapim trening na ekstensen sevis long yia 2000. Prodaksen i bin go antap long 30 tan long lokal maket.

Long 2006, Vorra Mite o binatang bilong hni bi, DAL i painimaut na kamapim wanpela Tas Fos wantaim sapot bilong NAQIA na kisim mani sapot long Australia. Long 2008, NADP i givim K2 milien.

Ol i kisim bi i go long Enga, ENB, na Hela na Is Sepik long 2010. Prodaksen i stap namel long 22 na 27 tan long wanwan yia wantaim domestik maket diman i stap long 100 tan long wan wan yia.

Ovasis diman i stap long 200 tan tasol nogat inap saplai long salim i go aut.

I gat 2, 500 fama i stap tasol ol i nidim hani bokis long lukautim bi.



Presiden bilong PNG Fama na Setla Asosiesen, Wilson Thompson.

Ol hani bi prodak.

Baim graun na planim planti diwai: Kimisopa

Stanley Nondol i raitim

MEMBA bilong Goroka Bire Kimisopa i tok ol kopi, kakao na ol arapela kes krop diwai i lapun pinis na gavman i mas baim graun na planim nupela.

Mista Kimisopa i tok 2014 baset bilong gavaman i kam gut tasol agrikalsa i kism daun bilong long 5 pesen na bikipela lukluk bilong gavman i stap long maining na petroleum.

Mista Kimisopa i mekim dispela toktok long taim we i gat bikipela hevi long wol maket na saplai bilong agrikalsa komoditi i pundaun na i no pulim gutpela win mani i kam insait.

Agrikalsa em i beksait bun bilong kantri wantaim moa long 90 pesen bilong 7 milien populesen i kisim sapot long agrikalsa.

Planti tokotk i kamap namel long ol saveman, oposisen, na tu gavman i tok olsem agrikalsa em bikipela indastri long kantri na mas kisim bikipela helpim.

Mista Kimisopa i tok kantri i no groim inap saplai bilong kopi na kakao na ol arapela agrikalsa prodak bikos ol kopi, na kakao diwai em bilong bipo tru na i lapun pinis long karim planti kaikai.

Mista Kimisopa i tok gavman i mas baim planti graun na planim ol kopi na kakao na ol arapela diwai

bisnis long kisim ples bilong ol lapun diwai.

Mista Kimisopa tu i tok populesen bilong kantri i gro kwik na i no gat inap gavman sevis long ol ples na distrik. Em i tok dispela i lukim planti manmeri na pikinini i lusim ples go long taun long painim gutpela laip.

Mista Kimisopa i tok gutpela laip i stap long ples. Em tok sapos gavman i kamapim sampela rot na kontrolim populesen bai ol manmeri i no inap muv go long taun na siti.

Mista Kimisopa i tok SME em i wanpela gutpela rot long sapotim ol liklik manmeri.

Em i tok agrikalsa em i wanpela rot long mekim ol manmeri sapotim laip bilong ol. Sapos LNG projek na ol maining long kantri i pinis, agrikalsa bai i stap yet wantaim ol pipel.

Mista Kimisopa i tok yumi olsem gavman i mas kamapim gutpela plen wantaim populesen yumi gat na mekim developmen long plen long ol pipel bai kisim gutpela sevis long planti yia bihain.

Ripot bilong Wol Benk na BPNG i tok klia olsem ekspot bilong egrakalsa i pundaun na kantri i no mekim planti mani.

Dispela i kamapim wanpela hevi we i prais bilong kaikai i go antap bikos kantri i no salim planti samting i go aut na baim planti samting long outsait.

Ol Ritel Outlet lain!

Salim moa pepa na win olgeta wik!!

Ol Ker

Ol bilak Kola siot

Ol marun Kola siot

Ol blu Kola siot

Ol Ambrela

Sapos yu salim,

Sapos yu salim olgeta Wantok Niuspepa insait long stua o outlet bilong yu, bai yu gat sans long winim ol dispela promosen klos bilong Wantok Niuspepa!

Dispela promosen bai stap long Oktoba i go long Desemba 2013 tasol.



Ramu NiCo – more than a mining company

By Mathew Yakai
MY Media & News Agency

WHEN China Metallurgical Group Cooperation (MCC) signed the Master Agreement with all parties in March 2005 followed by Joint Venture Agreement in October, little Mellisa Jeffery from the Coastal Pipeline area of Ramu NiCo Project was not yet conceived.

From exploration in the 60s and construction in 2008 till Dec 6, 2012 when Ramu NiCo went into official operation, Mellisa with rest of her peers woke up to see the fruition of the long waited only nickel/cobalt project in the country.

On Tuesday Dec 3, 2013 at Jais Aben outside Madang, six years old Mellisa was chosen to lead the traditional women dancers from Tapopo village, Inland Pipeline welcoming the delegation to the signing of the Ramu Revised Memorandum of Agreement (MOA).

Mellisa had in her hand the "bible", the Ramu NiCo Project Revised MOA document to be signed. It captures the updated current and future socio-economic, cultural and infrastructural development aspirations of the beneficiaries including mine impacted communities. Little Mellisa with her peers will inevitably benefit from the MOA if all are fulfilled. But little known is the socio-economic impacts Ramu NiCo has already had on the local economy and Madang. The demand this multinational Company created had tremendous ripple effects across all sectors.

Ramu NiCo is not just a mining company. The foot print it had created will speak volume. These socio-economic impacts created during the construction phase alone are tangible, and inevitably the harbinger of more to come from the document little Mellisa carried.

The maniac and NGOs will question. The ill educated will doubt. The stray will debate. But the reality speaks volume and they did not come from the porches of Waigani's corridor alone. But Ramu NiCo implanted in PNG its share, under its motto, "One Ramu NiCo, One Community", specifically in the lands where immediate ancestors and landowners residence today.

The Chinese nickel/cobalt developer, unlike other developers of extractive resources, has established its office base, a unique four floor glass walled modern structure at the heart of Madang town and its residents, also in Madang, depicting itself as one of the genuine development partners.

Under the 2002 MOA, Ramu NiCo has changed the economic landscape of Madang, its impacted areas and individual families through local procurements, infrastructure developments and direct employment opportunities. Ramu NiCo is more than a mining company today because most of the benefits are outside of the 2002 MOA spirit.

In local procurement alone, Ramu NiCo has spent over K600 million by the end of 2012 including millions of Kina in infrastructure development and provided business opportunity



Mellisa with MOA documents in her hands leading the singing group and delegation.

Ramu NiCo Chairman and Director, Zhao Shimin signing the MOA.



spin-offs to the four landowner associations and provided employment opportunities for the locals. Three thousand direct employment opportunities were provided during construction period and 1100 were provided when the project entered production period and this number will increase year by year

"From 2001 to 2012, the total business opportunity contract value given to land owner companies reached K61, 605, 103. The economic status of land owners has been improved and land owner companies at different levels were able to develop and expand," Director and Chairman of Ramu NiCo, Mr. Zhao Shimin said during the MOA signing.

The Company also constructed and maintains medical aid post at Project impacted areas, constructed and maintains schools and assist children for school fees with the provision of K270,00. to the four landowner associations; KBK, Basamuk, Inland Pipeline and Coast Pipeline through its school fee aid program," Mr. Zhao said.

Ramu NiCo has also gone further and upgraded important infrastructures, including the construction of Ramu Bridge leading to Bundi and KBK Mine, the road between KBK Mine

and Usino Junction and the road around Basamuk Refinery.

The Company was also dedicated to assist the agriculture development through agriculture aid projects, technical training, management training and coaching, donating seed, fertilizer and others, all of which led to the development of rice farming, cocoa plantations, fishing and livestock farming. Ramu NiCo also provides technical training to land owners and local people with lots of job opportunities.

Mining Minister, Byran Chan also disclosed to the people of Usino-Bundi and Rai Coast that the National Government has gone beyond its commitment under the old Ramu NiCo Project MOA and delivered impacted projects.

In 2012, the National Government delivered Usino and Walium police houses with two vehicles at K1.5 million, first phase Rai Coast High school maintenance at K1.1million, Banu-Danagari Road Maintenance at K1.3million and Banu-Brahmin Road Maintenance at K2 million, both in the Usino-Bundi district.

Similarly the 2013 projects currently under construction include, Walium police station maintenance at K400, 000.00, second phase

Rai-Coast High School maintenance at K1.2 million, Ganglau Aid Post upgrade at K1.8 million, upgrade to Banu-Brahman/Bundi access road at K2 million and the recent release of K500,000 to start work on the Baia river on the Banu-Brahman/Bundi access road in Usino-Bundi district.

"In total, the Government provided over K10 million to meet these development projects since 2007 and which I believe achieves the government's medium term development strategy that calls for development at the grassroots level."

Above, the Revised MOA signed on Dec 3 brings with it more benefits including the Governments' commitment to build infrastructures including separate townships, one for Usino-Bundi and another for Basamuk in the Rai Coast.

The government will also look at upgrading the deteriorating Rai Coast Highway and Usino Bundi roads, pay the balance of K10 million seed capital, recognizing Ramu Nickel Foundation to be the development vehicle and provide funding of K3 million in Infrastructure Development Grant or SSG over the next 20 years of the Project life to be managed by the Foundation.

"Your Provincial Government has also made significant commitments of K1 million towards the south road at Kurumbukari in the Usino-Bundi district and the establishment of the Environment Unit within the Madang Provincial Administration," Mr. Chan said.

The Minister also told the gathering that the Joint Ventures have committed substantial amount of resources including K5 million towards the South Road at Kurumbukari, funding of landowners associations, K50,000 per year for community education assistance program, K80,000 for one-off Micro Credit Scheme, K80,000 per year for health scheme and commitment to a conceptual mine closure and rehabilitation plan by Ramu NiCo.

With big benefits ahead, however, the fall in the world nickel metal price has been an adversity for Ramu Nickel Project (including technical bottleneck), like other mining industries around the world. But that calls for the Project stakeholders fortitude, though the ride is shaggy. The stakeholders are determined to deliver the Project because they discovered their affinity from the fact that landowners have been waiting for so long the enormous economic benefit the project will bring, the symbol of friendship between the people of Great China and PNG and finally, PNG is today producing nickel/cobalt (MHP), apart from the traditional minerals."

Formerly led by "iron lady" Madam Luo Shu as described by Chairman of Basamuk LOA, Lima Mullung to today's gentle giant and gregarious Director and Chairman of Ramu NiCo, Mr. Zhao Shimin, Ramu NiCo is on target to deliver the benefits.

When the target is reached, little Mellisa Jeffery will proudly join hands with rest of her peers from Basamuk, Inland Pipeline, Coastal Pipeline and KBK on the table of true "Pasin Madang" and share the benefits. We humbly wait for the day!

Note: The views expressed here are solely those of MY Media & News Agency. For comments, text on: 70747450

Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisinim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisin o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

'Wanpela
Ramu NiCo,
Wanpela
Komyuniti'

Herave yut i kirapim hani fam

Sape Metta i raitim

BUNG, sindaun nating, dring bia na ol arapela strongpela dring, smokim mariwana na kamapim ol bikhet na trabel pasin em samting bilong bipo we ol yut long Herave hauslain long Dunatina lokol level gavman (LLG) eria long Henganofi distrik, Isten Hailans i save mekim.

Dispela ol pasin nogut em i pinis nau, long wanem, ol i luksave olsem i no gat wan-

pela gutpela samting i save kamap long taim ol isave mekim dispela ol bikhet pasin.

Olsem na bihain long kamapim sampela gutpela plen, ol yut long Herave i wanbel long kamapim hani bi fam projek long hauslain bilong ol.

Na wantaim sapot bilong Ausaid, Opis bilong Isten Hailans Yut, Wimen na Komyuniti Developmen na Dipatmen bilong Praimeri Indastri (DPI), ol i kirapim hani bi fam. Dispela projek i

kirap na operet nau long Herave hauslain.

Yut lida na man husat i bin go pas long toktok strong long kirapim dispela projek Felix Masio, i tok em wantaim ol yut memba bilong em i gat bikipela tingting long senisim pasin bilong ol yut na tu, senisim olgeta hauslain long Dunatina LLG eria.

Em i tok amamas long ol lain husat i kamap wantaim ol helpim long sapotim Herave yut long kirapim dispela projek.

Salim sanda long painim skul fi

Veronica Hatutasi i raitim

I GAT ol kain kain rot long wan wan manmeri i ken helpim ol yet long laip na sindaun bilong ol.

Yumi ting olsem ol bikipela manmeri tasol i ken mekim samting, tasol bai yu kirap nogut long lukim liklik manki tu.

Jedidiah Bade, i gat 13 krismas na i skul long Christian Academy, Waigani long Mosbi. Em i wokim liklik projek long helpim papamama i baim skul fi bilong em. Twin brata bilong em, Uriah i gat liklik bisnis long CD tu.

Tupela hapkas Madang na Morobe pikinini i wokim gret 3, tasol ol i stap long gutpela rot long mekim wok mani na kamap ol bisnisman taim ol i bikipela.

Long taim bilong skul malolo, Jedidiah i salim ol naispela sanda botol o pefum taim Wantok i bin bungim em long opis na kisim stori na poto bilong em.

Narapela poto i soim Jedidiah na wanpela poro bilong em, Jubal, long haus.

Poto: Frieda Kana



STAILIM GRAS: OL meri long PNG i wok long muv wantaim ol senis na nupela taim yumi stap long en. Olsem na bai yu lukim ol yangpela meri, ol wokmeri na ol sampela mama tu i putim ol naispela stail klos. Tasol bikipela samting tude em stailim gras i bikipela samting ol yangpela meri long nambis, bikipela i go long ol nambis ples i no isi long mekim. Sampela meri i wokim dispela olsem liklik bisnis long haus bilong ol yet. Poto i soim tupela meri Siwai i stap long Kokopau, Buka Pasis, em Barbara Mihwah i stailim gras bilong Joanne wantaim marasin bilong pulim na stailim gras. **Poto: Veronica Hatutasi**



FLAWA BISNIS I KAMAP BIKPELA SAMTING: Atonomeas Rijon bilong Bogenvil i strong nau long planim na salim flawa bisnis. Tripela meri Siwai ya i lukluk raun long flawa gaden bilong wantok bilong ol, Melita (namba wan long lep han). Melita i gat flawa gaden i gat ol kain kain flawa em i planim na ol dispela long ol pot plent we Barbara na Joanne i amamas long lukim. Lukim moa stori bilong ol long neks wik. **Poto: Veronica Hatutasi**



Laip bilong Michael Marum olsem pilaia na kosa

Isaac Liri i raitim

Long dispela wik spot laipstail, bai yumi harim liklik laip stori bilong Michael Marum, wanpela man husat i bin givim taim bilong em long makim kantri long pilai ragbi lig, na tu, stap olsem kosa bilong ragbi lig.

Michael Marum em i kosa bilong ol PNG SP Hanta, PNG tim we bai i pilai long Kwinslan Kap long dispela yia.

Michael Marum i bilong ples Matalau long Rabaul Distrik long Is Nu Briten provins, na mama i karim em long namba 8 de bilong mun Oktoba long yia 1973 long Pot Mosbi. Michael i 40 krismas nau.

Papa na mama bilong Michael i bilong wankain eria long Rabaul na Michael em i bikipela pikinini bilong ol. Em i gat wanpela liklik barata, na wanpela liklik susa.

Taim Michael i bin pinisim haikul long Boisen long Rabaul, em i bin kam long Mosbi long skul kompyuta. Em i bin wok wantaim planti kampani bipo em i kamap wanpela ragbi lig pilaia.

Michael i bin stat long pilai ragbi long yia 1991 long Unagi Lig Kompetisen, na tu, long ol op sisen lig i save kamap long Pot Mosbi na Sogeri long dispela taim.

Bihain long pilai long ol dispela kompetisen, Michael i bin go pilai wantaim ol Paga Penta long 1992 bipo long em i makim Papua Niugini na pilai wantaim ol Kumul. Em i bin stat pilai long ol junia divisen na i mekim rot bilong em i go long antap level.

Stronpela tingting bilong pilai ragbi i bin kamap long taim em i save lukim ol ankol bilong em i pilai wantaim Paga Penta, tasol em i bin save long ragbi lig taim em i bin liklik mangi yet.

“Wanpela taim mi bin go raun long lukim ol Paga Penta i pilai, tasol planti bilong ol pilaia i no bin kamap, long dispela taim mi bin pilaim namba wan gem bilong mi wantaim ol Paga Penta,” Michael i tok.

Michael i bin save pilai huka, na tu long lok fowod posisen bilong ol Kumul, tasol taim *Wantok Niuspepa* i askim em long ol posisen em i save pilai long en, em i tok em i bin save pilai prop taim em i bin stap long junia divisen.

Michael em i bin wanpela bikipela sapota bilong ol Balmain Taiga long NRL long Australia. Em i save laikim tru planti ol pilaia husat i bin pilai long dispela tim.

“Wanpela pilaia bilong ol Balmain Taiga mi save laik lukim pilai bilong em long fil, em Ben Elias,” Michael i tok.

“Long ol lokal pilaia, mi save laik lukim pilai bilong planti ol senia pilaia bilong Papua Niugini olsem Arnold Krewanty, Akuila Emil, Marcus Bai na planti ol arapela husat mi pilai wantaim, na i go pas long mi,” Michael i tok.

Taim Michael i bin pilaim namba wan gem bilong em wantaim ol Kumul, em i bin pilim amamas long wanem, em i karim nem bilong kantri.

“Mi save pilim amamas tru taim mi werim jampa bilong PNG Kumul na ran insait long fil. Taim mi stap insait long fes 13, o mi stap long risev na pilai tu o tri minit tasol, mi save amamas,” Michael i tok.

Taim *Wantok Niuspepa* i askim Michael long wanem as tru, na em i tingting long

Kosa Michael Marum i bisi long trening. **Poto Nicky Bernard**

kamap kosa, Michael i tok taim em i bin stap olsem pilaia, em i save laikim tru pasin bilong kosa bilong em Bob Bennett. Na em i bin lainim planti samting long em, long sait bilong stap olsem pilaia, na tu, long stap olsem wantaim kosa na kontrolim ol pilaia.

Michael i bin pilim olsem em i mas lainim ol samting em i lainim long ol yangpela pilaia bilong Papua Niugini olsem na em i kamap kosa.

Long 2005 taim em i ritaia olsem pilaia, em i bin go stap olsem kosa bilong ol Rabaul Guria, na mekim wok kosa.

Nau Michael em i stap olsem kosa bilong ol PNG SP Hanta, em i amamas long wok bilong em, tasol i gat sampela taim we em i save kisim taim.

“Stap olsem kosa em i no isi olgeta taim. Sampela taim bai yu painim hat long toktok long ol pilaia, long wanem, ol pilaia tu em ol bikipela man, na sampela taim em i hat long

givim tok skul long ol bikipela man.” Michael i tok.

Michael i tok sampela taim tu, em i save nogat taim long stap wantaim famili bilong em, tasol em i save olsem wok bilong em i bikipela samting tu.

Long olgeta kosa long ragbi lig long wol, Michael i save laikim Wayne Bennett, husat em bikipela brata bilong olupela kosa bilong em, Bob Bennett. Michael i tok em i save laikim pasin bilong em long wanem, em i wanpela man bilong stap isi, tasol em i save long strongim ol pilaia, na mekim tim i kamap strongpela tim.

Bikipela tingting bilong em olsem kosa bilong ol PNG SP Hanta em long redim ol pilaia gut, na lukim olsem ol i pilai gut taim kompetisen i stat.

“Ol PNG SP Hanta i karim nem bilong Papua Niugini na long dispela, mi olsem kosa bai mekim olgeta samting long

strongim tim na apim nem bilong kantri long ragbi lig,” Michael i tok.

Michael i gat strongpela tingting olsem bihain taim bilong ragbi lig long Papua Niugini i orait, long wanem, i gat planti ol nupela na gutpela program long strongim ol pilaia.

“I gat planti ol nogut toktok long ragbi lig insait long kantri, tasol sapos ol yangpela bilong yumi i kisim ol dispela nupela program, bai ol i kamap ol gutpela pilaia na givim gutpela nem long ragbi lig long kantri,” Michael i tok.

Bipo long *Wantok Niuspepa* i lusim Michael, em i tok ol yangpela pilaia husat i gat driman long pilai ragbi lig na karim nem bilong Papua Niugini i no ken givap.

“Trening em i wanpela bikipela samting, na ol yangpela i mas trening strong. Em i no isi, tasol sapos yu no givap, driman bilong yu bai i karim kaikai,” Michael i tok.



Marshall winim kanu resis

LONG taim bilong Krismas na Nu yia, ol manmeri bilong Aroma long Sentral Provins i bin amamas long lukim kanu resis i kamap long eria bilong ol.

Long nambis bilong ples Wairavanua, long namba 28 de bilong mun Desemba, GNK Marshall i bin winim kanu resis, na kisim wanpela tropi ol i kolim Wari Kome Memorial Tropi.

Bos meri bilong GNK Marshall, Barbra Gulo Vui, em pikinini meri bilong Reveren Wari Kome, na em i tok kanu bilong GNK Marshall em i karim nem bilong papa bilong em, long wanem, ol i bin mekim dispela kanu long pilai long dispela resis.

Long taim GNK Marshall i winim dispela kanu resis, Misis Gulo Vui i amamas tru na i krai.

Na K2000 em prais mani bilong tim husat i kamap namba wan, tasol GNK Marshall i kisim tropi tasol na givim prais mani i go long tim husat i kamap namba tu, Vula'a Kele. Misis Gulo Vui i mekim olsem

long wanem, em i tok bikpela samting em GNK Marshall i kisim tropi na tropi bai stap wantaim famili bilong en.

Tim Marokele bilong ples Paramana i kamap namba tri, Try Luck bilong Wairavanua i kamap namba foa, na Wasa Kovuna bilong Kelekapanana i kamap namba faiv. I bin gat 41 kanu olgeta long dispela resis.

Long ol arapela kanu resis kompetisen tu, GNK Marshall i no givim sans long ol arapela long win. Long Boxing de, GNK Marshall i winim Keleone kanu resis kompetisen.

GNK Marshall i soim ol manmeri bilong Aroma olsem em i wanpela top kanu resis tim insait long eria, na planti manmeri i wok long apim nem bilong dispela tim.

Kampani husat i spona long GNK Marshall em Nesenel Infomesen na Komunikesen Teknoloji Atoriti. Na ol man husat i stap olsem skipa long GNK Marshall em Jack Ravu, Wari Kapa na Lance Gulo Vui.



Ol skipa bilong Marshall i amamas wantaim tropi.

Gabagaba ragbi redi long ol fainel

Isaac Liri i raitim

GABAGABA long Sentral provins em i wanpela ples we i gat ol komyuniti spot long helpim strongim ragbi lig long eria, na tu, long redi long PNG gems long dispela yia 2014.

Gabagaba Natuna, ol pipel

bilong Gabagaba, em nem bilong komyuniti ogenaisesen i go pas long sapotim, na painim mani bilong kamapim ol kain komyuniti spot olsem.

Gabagaba Ragbi Lig Kompetisen i bin stat long las yia long mun Septemba na i wok long kamap strong yet. Gren fainel bai i kamap long Sarere

long dispela wiken.

Ol tupela tim we bai i pilai long gren fainel, em ol Taboro Shark na ol Boura Boura. Ol Taboro Shark em ol maina primia bilong kompetisen. Ol i bin pilai strong long taim kompetisen i stat, na nau ol i wetim gren fainel tasol na stap.

Insait long dispela kompe-

tisen, i bin gat faivpela tim na ol dispela tim em ol Taboro Shark, Sirovai Eels, Donsese Raiders, Boura Boura na ol Bulldogs.

Minista bilong Helt na HIV/AIDS, Michael Malabag em i marit i go long Gabagaba, na long las yia, em i bin givim K15, 000 long

sapotim dispela kompetisen.

Helifix kampani bai i givim sampela mani tu long sapotim kompetisen long presentesen bihain long gren fainel long Sarere.

Long nau yet, ol pilaia bilong tupela tim, ol Taboro Shark na Boura Boura, i stap long trening kemp bilong ol.

Soka amamasim ol komyuniti bilong Bomana

Isaac Liri i raitim

OL manmeri husat i save stap long Bomana ausait long Pot Mosbi i bin amamasim ol yet long taim bilong Krismas na Nu Yia wantaim ol komyuniti spot olsem soka.

Dispela tonamen i bin lukim 12-pela tim bilong ol man na 12-pela tim bilong ol meri.

Ol kampani husat i bin spona blong dispela tonamen em PNG Limited, Funeral Home na PNG National Gaming Board.

Ol spona bilong dispela tonamen i tok as tingting bilong dispela tonamen em long strongim spirit bilong Krismas na Nu Yia, na amamasim ol manmeri insait long Komyuniti.

Long divisen bilong ol man, ol Wait Dok i bin winim Texas long gren fainel, na long divisen bilong ol meri, ol Kantri Meri i bin winim ol Polis Kolis meri.

Tim husat i bin kamap namba wan i bin kisim K500, wanpela tropi na sampela medal. Tim husat i kamap namba tu i bin kisim K300, na tim husat i kamap namba tri i kisim K200.



Tim Wait Dok i amamas long win bilong ol long Bomana Krismas soka tonamen.

G Breaker winim Is Aroma Kap

Isaac Liri i raitim

IS Aroma Kap ragbi nains tonamen i bin pinis long las wik Tunde long ples Kaykay wantaim bikpela amamas namel long ol pipel bilong dispela eria, na tu, ol manmeri bilong Mosbi husat i bin go lukim dispela tonamen.

Tim husat i bin winim kap long dispela tonamen em ol G Breaker. Ol i bin winim K Marshall long gren fainel, ol i kisim K2000 prais mani na K Marshall i kisim K1000.

Long plait fainel, Wasa Wanbel i win na kisim K1500 prais mani, na KK Nouna i lus na kisim K800.

Long bowl fainel, ol Baike Brada i winim ol Koboki Cowboy na kisim K1000 na Koboki kisim K700.

Top trai skora bilong tonamen awod i bin go long Madi Ora.

Memba bilong Abau long Sentral provins, Sir Puka Temu, i bin sapotim dispela tonamen, na em i givim K15, 000 long helpim dispela tonamen.



NRL pilaia Russell Packer i go kalabus long 2-pela yia long paitim nogut tru wanpela man long wanpela klab. Kot i harim olsem Packer i paitim dispela man i hap i dai na kikim pes bilong em taim man i silip dai i stap. Man husat i gat 22 krismas i kisim bagarap long pes na ai soket bilong em.



Olgeta sapota bilong Australia Kriket team husat i winim wol kap Ashes egens Ingran na givim Wait Wash long ol i kam bungim namba wan tim bilong ol long Sydney Opera Haus long Australia.

Painim Bal Resis

Namba 5

A B C D E F G



Putim X insait long bokis yu ting bal i stap long en..

Eksampel:
C5, long namel.
Teksim i kam na traim laki bilong yu.

Baim Wantok Niuspepa olgeta wik na traim sans bilong yu!!

Wanpela wina tasol long olgeta wik!

Wina bilong resis namba 5. Mobail namba 72398631.. Bai mipela i ring i kam na kisim nem na adres bilong yu.




Teksim Ansa bilong yu i kam long 7235 6149 na lusim nem na adres bilong yu tu...Sans yah!

Dispela resis bai stap i go inap long Desemba dispela yia, so noken wet, salim ol ansa kam na stail wantaim Wantok kep, t-siot na kola siot!!

Painim Bal Resis bai bai stat gen long yia 2014..Sekim namba long pes 2 na traim lak bilong yu!

Painim Bal Resis

A B C D E F G



ANSA bilong resis Namba 5

C9

Wanpela wina tasol long olgeta wik!

Nogat Nem bilong man/meri husat i givim rait ansa, tasol mobail namba bilong em i 72398631...Bai mipela i ringim yu!



Teksim Ansa bilong yu i kam long 7235 6149 na lusim nem na adres bilong yu tu...Sans yah!

Dispela resis bai stap i go inap long Disemba dispela yia, so noken wet, salim ol ansa kam na stail wantaim Wantok kep, t-siot na kola siot!!



Bisini Sofbal pilai graun bai paia lait long dispela wiken.
Tripela wiken go pinis em stap drai olgeta.

Ol spot eksen poto long wiken...

Ol Poto Nicky Bernard.



Oro FC pilaia i wok hat long
trening bilong ol long wiken.



Nupela tim bilong
NSL, Admiralty i wok
long trening hat tru
long dispela wik.

- Weekend Sports -



SEASON PROPER - ROUND TWO, GAME TWO
Saturday, 11th January 2014

DIAMOND TWO

TIME	TEAMS	TEAMS	GRADE	REMARKS
9.00 - 10.15				
10.15 - 11.30	STINGERZ	v CHEBU	B	
11.30 - 12.45	WANTOKS	v GAZELLE	B	
12.45 - 14.00	STINGERZ	v CHEBU	A	
14.00 - 15.15	WANTOKS	v GAZELLE	A	
BYE	YOKOMO A & B			

DIAMOND THREE

TIME	TEAMS	TEAMS	GRADE	REMARKS
9.00 - 10.15	WANTOKS	v STINGERZ	A	
10.15 - 11.30	BEARS	v WOLVES	B	
11.30 - 12.45	UNITED SISTERS	v ADMIRALTY	B	
12.45 - 14.00	BEARS	v WOLVES	A	
14.00 - 15.15	UNITED SISTERS	v ADMIRALTY	A	
BYE	YOKOMO A & B			

B GRADE LADDER

	PLAYED	WON	DRAW	LOSS	FORFEIT	RUNS FOR	RUNS AGAINST	DIF	POINT	REMARK
YOKOMO	9	7		2		93	58	35	23	
BEARS	9	7		2		92	63	29	23	
STINGERZ	9	7		2		106	81	25	23	
CHEBU	9	5		4		84	69	15	19	
ADMIRALTY	9	4		4	1	64	59	5	16	
WOLVES	9	3		6		59	76	-17	15	
UNITED SISTERS	9	2		6	1	66	94	-28	12	
WANTOKS	9	2		5	2	56	73	-17	11	
GAZELLE	8	1		6	1	49	89	-40	9	

AT THE END OF GAME 1 ROUND 2

A GRADE LADDER

	PLAYED	WON	DRAW	LOSS	FORFEIT	RUNS FOR	RUNS AGAINST	DIF	POINT	REMARK
STINGERZ	8	6	2			55	13	42	22	1 o/s game
WOLVES	9	6		3		63	44	19	21	
BEARS	9	5		4		69	49	20	19	
UNITED SISTERS	9	4	1	4		66	56	10	18	
GAZELLE	8	5		3		42	41	1	18	Bye
CHEBU	9	4	1	4		70	71	-1	18	
WANTOKS	8	4		4		51	46	5	16	1 o/s game
YOKOMO	9	2		7		48	61	-13	13	
ADMIRALTY	9	1		8		30	113	-83	11	

AT THE END OF GAME 1 ROUND 2

TOKSAVE: Salim ol spots dro bilong yu kam long Feks; 325 2579, e-mel;bveo@wantok.com.pg o kam lusim long Wantok Niuspepa opis long Able Building Complex long Central Waigani, NCD.



DIANA Blu
TUNA IN OIL

Moa oil na meat insait



Ol PNG Hanta i redi

Ol PNG Hanta i trening strong na redi long Kwinslan Kap long dispela yia **Poto Nicky Bernard**

LONG Trinde, **Wantok Niuspepa** i bin raun i go long Bomana Polis Kolis, ples we ol PNG Hanta i wok long trening long en.

Ol PNG Hanta em tim bi-

long Papua Niugini, husat bai i pilai long Kwinslan Kap long dispela yia. Na South Pacific Brewery (SP) em i namba wan spona bilong dispela tim.

Kwinslan Kap em i wan-pela kompetisen we i save maketim ol pilaia i go long bikpela kompetisen long Australia, NRL.

Long las yia taim ol PNG

Hanta i stat trening, i bin i gat 53 man long trening kemp, tasol nau, i gat 25 man skwat.

Ol dispela 25 man insait long skwat bai i pilai wantaim PNG Hanta, tim bilong yumi

ol Papua Niugini long Kwinslan Kap kompetisen.

Long lukluk bilong kosa Michael Marum, em i gat strongpela tingting olsem ol PNG Hanta i redi, na ol i wok

long trening strong yet bipo long kompetisen i stat.

Na long lukluk bilong ol pilaia, ol i redi long pilai insait long dispela kompetisen na kisim sampela gutpela risal.



Valvoline

PMV
DIESEL OIL

PMV OIL BILONG YUMI

BOROKO MOTORS

BOROKO MOTORS

PORT MORESBY	325 5255
LAKE	472 1144
MT HAGEN	542 1933
TABUBIL	649 9048
KIMBE	983 5035
MADANG	422 2659
KOKOPO	982 8193
GOROKA	532 3552

Email: info@borokomotors.com.pg
Website: www.boroko-motors.com